

漢書門類


漢書門類			
類	號	函	架
八	三	三	一
〇	六	〇	〇
〇	〇	〇	〇

内閣文庫			
類	號	冊	函
漢	八	三	三
書	〇	〇	〇
〇	〇	〇	〇

内閣文庫		
番號	漢	8433
冊數	8 (6)	
函號	274	191



綴じ部(喉部分)の文字など開きが不鮮明な箇所あり



淺草文庫

宜興 儲欣同人撰輯

蔣景祁京少

江夏秦如鎬十臣參閱

襄公上

公名午。成公子。母定妃。在位三十一年。

已丑簡王十四年崩 元年 晉悼公周元年

春王正月公即位。

仲孫蔑會晉欒黶栾華元衛甯殖曹人莒人邾人滕人薛人

圍宋彭城。

左傳於是為宋討魚石故稱宋且不登叛人也謂之宋志登成也

彭城降晉晉人以宋五大夫在彭城者歸寘諸瓠丘

伐鄭次鄆

指月近欲單重尋晉將置下半傳於何地耶且傳是削楚以罪鄭非削楚以形晉也傳首楚釋君助臣事已悖矣已立鄭不當從楚之案後云不以大義裁之正與放義義字相應則舊云予晉以君臣言罪鄭以夷夏言截然為二亦似未精益二義字總屬君臣裁之大義而當即棄夏從夷有時不貶如辰陵之盟是也作文以晉放義做起就義字轉下發明鄭無可救意收不言救次鄆是韓厥以偏師伐而諸侯次以待之與伐而次不同文中只作事寔○京少日不以大義裁之緊頂棄從二句似指鄭沾沾於集矢之德而不裁以蠻夏之大義也所以現聞先生欲輕于予晉重發鄭棄從之罪然指月據傳首二句為鄭不當從楚之案未為無識且予晉罪鄭輕不得姚說未安

○韓厥伐鄭

指月單王予晉

秋楚公子壬夫帥師侵宋

因楚子辛救鄭侵宋呂留鄭子然侵宋取大丘

呂留二縣

指月用伐鄭次傳削救邊罪從楚重大義裁之句黨魚石墨點子辛是救鄭因侵宋非侵宋以救鄭宜辨合貞救鄭削救筆救鄭從楚不以大義裁之晉逼鄭可謂以義服之乎

九月辛酉天王崩

邾子來朝

冬衛侯使公孫剽來聘晉侯使荀息來聘

左傳凡諸侯即位小國朝之大國聘焉以繼好結信謀事補闕禮也

胡傳簡王崩赴告已及藏在諸侯之策矣則宜以所聞先

後而奔喪今邾子方來脩朝禮衛侯晉侯方來脩聘事于王喪若越人視秦人之肥瘠曾不與焉此何禮乎

庚寅靈王元年二年是年夏鄭成公踰卒

春王正月葬簡王

鄭師伐宋左楚令也主貞伐

夏五月庚寅夫人姜氏薨

六月庚辰鄭伯踰卒

晉師宋師衛甯殖侵鄭

晉伐鄭

左傳鄭成公疾子駟請息肩于晉公曰楚君以鄭故親集

矢於其肆非異人任寡人也若背之是棄力與言其

訖驪我免寡人唯二三子庚辰鄭伯踰卒於是子罕當國

子駟為政子國為司馬晉師侵鄭諸大夫欲從晉子駟曰官命未晚

○晉宋衛侵鄭

指見主大棘傳晉宋稱師師衆將卑也衛書甯殖將尊

秋七月仲孫蔑會晉荀偃宋華元衛孫林父曹人邾人于戚

左傳謀鄭故也孟獻子曰請城虎牢以備鄭知武子曰善

至皆齊故也寡君之憂不唯鄭將復於寡君而請于齊

得請而告吾子之功也若不得請事將在齊吾子之請諸

侯之福也豈唯寡君賴之

○秋會戚

霜月主陳逃傳入卿和睦○京少曰仲孫效謀知武子稱善而諸卿無一抵牾其說者確是和睦

已丑葬我小君齊姜

叔孫豹如宋左穆叔聘于宋通嗣君也

冬仲孫蔑會晉荀偃齊崔杼宋華元衛孫林父曹人邾人滕

人薛人小邾人于戚遂城虎牢

左傳復會于戚齊崔武子及滕薛小邾之大夫皆

反踰古尉

胡傳虎牢鄭地故稱制邑巖險聞於天下猶虞之下陽趙
之上黨魏之安邑燕之榆關吳之西陵蜀之漢樂地
有所必據城有所必守而不可以棄焉者也有是險而不
能守故不繫于鄭然則據地設險亦所貴乎天險不可升
也地險山川丘陵也主公設險以守其國大易之訓也城
郭溝池以為固亦君子之所謹也鑿斯池築斯城與民同
守蓋子之所以語滕君也夫狡焉思啓封疆而爭地以戰
殺人盈野爭城以戰殺人盈城者固非春秋之所貴守天
子之心繼先君之世不能設險守國將至於遷瀆滅亡亦
非聖人之所與故城虎牢而不繫於鄭責鄭之不能守也
其聖人以待衰世之意小康之事耶

冬會戚城虎牢

指且守土繼世最重春秋責鄭意全在此要寫門戶既舉
國無可守的景象待衰世意要發參旨定有見險而不能
守責鄭不能存二存字可味○同人曰文定發一傳即有
一傳之指歸此因虎牢不係鄭而責其失險乃其指歸也
從楚不從楚並未詳及而指月諸本俱云須本從楚說來
已滯矣近有謂昔華即楚乃其失險之大者真画蛇添足

之見愈可笑

合得寶玉大弓分地分器俱重世守

楚殺其大夫公子申

辛卯靈王二年三年鄭僖公髡頑元年

春楚公子嬰齊帥師伐吳

左傳楚子重伐吳為簡之師克鳩茲至于衡山使鄧廖帥
其能免者組甲三百被練三千以侵吳吳人娶而擊之獲鄧廖
吳人伐楚取駕駕良邑也鄧廖亦楚之良也君子謂子重
於是役也所獲不如所亡楚人以是咎子重子重病之
遂遇心疾而卒備月王長岸傳楚樂巫臣是以弱于吳

公如晉

夏四月壬戌公及晉侯盟于長檮

春秋左傳卷二十一

簡選練組甲三百被練也

制巖邑也見春秋首卷

左傳 孟獻子相公稽首知武子曰天子在而君辱稽首寡
將君是樂 敢不稽首

○盟長樗

指月王遂納幣傳志敬節具句以孟
獻子失禮點起倒知武子知禮作

公至自晉

附左 祁奚請老畜侯問嗣焉解狐其讐也將立之而卒
以代之對曰午也可於是羊舌職死矣畜侯曰孰可
君子謂祁奚於是能舉善矣稱其讐者為讐正其子不為
比舉其偏不為黨解狐得舉祁午得位伯華得官建一官
而三物皆能舉善也夫唯善故能舉其類詩云唯其有之
是以似之 祁奚有焉

午祁奚
之子偏
屬也

六月公會單子晉侯宋公衛侯鄭伯莒子邾子齊世子光也

未同盟于雞澤

左傳 晉為鄭服故且欲脩與好將合諸侯使士句告于齊
二兄弟相見以謀不協請君臨之使句乞盟齊侯欲勿許
而難為不協乃盟于彤外六月公會單頃公及諸侯同盟
于雞澤

不易謂
多難形
音而

胡傳 同盟或以為有三例一則王臣預盟而書同二則諸
侯同飲而書同三則惡其反覆而書同夫惡其反覆
與諸侯同欲而書同信矣王臣預盟而書同義則未安盟
于女栗及蘇子也而不書同盟于泚于翟泉會王人也而
不書同盟然則此三盟者正所謂諸侯同飲而書同盟也其
同欲奈何同病楚也會于柯陵之歲夏伐鄭楚人師于首
止而諸侯還冬伐鄭楚人師于汝上而諸侯還雞澤之盟
陳袁倚如會楚師在繁陽而韓獻子懼平丘之行楚棄疾
立復封陳蔡而中國恐是知此三盟者諸侯皆有戒心而
脩盟故稱同不以尹子單子劉子亦預此盟而譏之也夫
王臣將命必悖信明義而後可以表正于天下諸侯守邦
必尊王奉法而後可以保其社稷今王臣下與諸侯約誓

諸侯亦敢士與王臣。要言斯大亂之道也。則亦不待書同盟而罪自見矣。
指川胡氏只因王臣一句反覆辨論見雞澤書同為此不為彼也絕無斷罪語與清丘不同作文只就當時勢辨出個懼楚之同便了單說諸侯不必扯王臣在內楚師在繁陽是後事傳只引來以驗其有戒心非因此而戒也。

陳侯使袁僑如會

戊寅叔孫豹及諸侯之大夫及陳袁僑盟。諸侯在而大夫盟始此。宋註。

左傳 楚子辛為令尹侵欲於小國陳成公使袁僑如會求夫及陳袁僑盟陳請服也。

袁僑如及盟

霜月懼楚是專意。諸侯猶未失政是正意。見梁傳。不可說于他亦非幸之。只袁僑如會王雞澤傳。

附左 晉侯之弟陽干亂行于曲梁魏絳戮其僕音侯怒謂羊舌赤曰合諸侯以為榮也揚干為戮何辱如之必

殺魏絳無失也。對曰絳無貳志事君不辟難有罪不逃刑。其將來辭何辱命焉。言絳魏絳至投僕人書將伏劍士劔張老止之。公讀其書曰君之使使臣斯司馬臣聞師衆以順為武軍事有死無犯為敬。君合諸侯臣敢不敬。君師不武執事不敬罪莫大焉。臣懼其死以及揚干無所逃罪不能致訓。至於州鉞臣之罪重敢有不從以怒君心。請歸死於司寇。公動而出曰寡人之言親愛也。吾子之討軍禮也。寡人有弟弗能教訓使干大命寡人之過也。子無重寡人之過敢以為請。晉侯以魏絳為能以刑佐長矣。反役與之禮。食使佐新軍。

秋公至自會

冬晉荀罃帥師伐許。左許靈公事楚不會于雞澤冬晉知武子帥師伐許官定陳偶服而即問罪于

許宜并陳不能保也出張氏註。

王辰靈 四年 是年陳成公卒

春王三月巳酉陳侯午卒

左傳 楚師為陳叛故猶在繁陽韓獻子患之言于朝曰文
月陳成公卒楚人將伐陳聞喪乃止陳人不聽命臧武仲
聞之曰陳不服于楚必亡大國行禮焉而不服在大猶有
咎而况小乎夏楚彭
名侵陳陳無禮故也

胡傳 午者襄公名也易不諱乎古者死而無諡不以名為
諱周人以諡易名於是乎有諱禮然禮律所載則有
不諱者夫子兼帝王之道參文質之中而作春秋以法萬
世如公薨不地滅國書取由奔稱孫之類所以放其文也
莊公名同而書同盟僖公名申而書戊申定公名宋而書
宋人之類所以從其質也後世忌諱繁名實亂而春秋之
法不
行矣

夏叔孫豹如晉

左傳 穆叔如晉報知武子之聘也晉侯享之金奏肆夏之
三下不稱下歌文王之三交不拜歌鹿鳴之三三拜韓
獻子使行人子員問之曰子以君命辱於敝邑先君之禮
藉之以樂以辱吾子吾子舍其大而重拜其細敢問何禮

夏戶雅
反周禮
以鍾鼓
奏九夏
其二曰

也對曰三夏天子所以享元侯也使臣弗敢與聞文王南
君相見之樂也臣不敢及鹿鳴君所以嘉寡君也敢不拜
嘉四牡君所以勞使臣也敢不重拜皇皇者華君教使臣
日必諒于周臣聞之訪問于善為咨咨親為詢咨禮為度
咨事為諷咨難為謀
臣獲五善敢不重拜

豹如晉

旨定王納幣傳志敬節具穆叔不拜肆夏文王歌鹿鳴之
三三拜愚意兼禮樂發為是○京少曰兼知禮知樂為當
從此何禮也問起詳敘辨樂
之等而以知禮知樂兩許之

秋七月戊子夫人嬖氏薨

葬陳成公

八月辛亥葬我小君定嬖

冬公如晉

肆夏一
名樂三
日韶夏
一名遶
四日納
夏一名
渠蓋擊
鍾而奏
此三夏
曲工樂
人也文
王之三
大雅首
三篇鹿
鳴之三
小雅首
三篇也
員音云
忠信為
周言當
諒於忠
信之人
嬖小作
下同

左傳 公如晉聽政晉侯享公公請屬郟晉侯不詐孟獻子無賦於司馬為執事朝夕之命敝邑敝邑褊小闕而為罪寡君是以願借助焉晉侯許之

陳人圍頓 左楚人使頓間陳而侵伐之故陳人圍頓

附左 無終子嘉父使孟樂如晉因魏莊子納虎豹之皮以請和諸戎晉侯曰戎狄無親而食不如伐之魏絳曰諸侯新服陳新來和將觀於我我德則睦否則攜戎師于戎而楚伐陳必不能救是棄陳也諸華必叛我禽獸也獲戎失華無乃不可乎夏訓有之曰有窮后羿公曰后羿何如對曰昔有夏之方衰也后羿自鉅遷于窮后羿以代夏政恃其射也而淫于原獸棄武羅伯因能究七圍而用寒浞寒浞伯明氏之謫子弟也伯明后寒弃之夷羿收之信而使之以為己相浞行婦于內而施賂于外愚弄其民而虞羿于田樹之詐應以取其國家外內咸服羿猶不悛將歸自田家泉發而亨之以食其子其子不忍食諸死干墻門靡奔有商氏浞因羿室生澆及豷恃其護匿詐偽而不德于民使澆用師滅斟灌及斟尋氏澆豷于過處豷于戈靡自南氏收三國之燼以滅澆而豷

少康少康滅澆于過后行滅豷于之有窮古是遂亡失人故也昔周辛甲之為大史也命百官官箴玉闕於虞人之箴曰若苗在焉連盡為九州經啓九道民有寢廟獸存茂華各存侯處德用不擾在帝夷羿肯于原獸心其國恤而思其廢牲武不可重所不悛乎夏家獸臣司原敢告僕夫虞箴如是可不懲乎於是晉侯好田故魏絳及之公曰然則莫如和戎乎對曰和戎有五利焉戎狄薦居貴貨易士土可買焉一也邊鄙不聳民狎其野積人成功二也戎狄事晉四鄰振動諸侯咸懷三也以德綏戎師徒不勤兵甲不頓四也鑿於后羿而用德慶遠至邇安五也君其圖之公詭使魏絳盟諸戎脩民事田以時

春公至自晉 晉者以內外無危也獻子相行申借助之請晉侯設享從屬郟之願須連上四年公如晉出

癸巳靈 五年 陳哀公溺元年

夏鄭伯使公子發來聘 左鄭子國來聘通嗣君也全李氏魯與鄭自輸平來盟以後未嘗有聘問

事羿者 高首也 國名斟 澆豷專 二國 同姓諸 侯也 遺民后 子少康 貪也 臣虞人 也不敢 斥尊故 告僕夫 荐聚也

官命晉 官徵發 之命司 馬謂晉 司馬

之使終春秋僅見於此則以悼公之盛諸侯之睦也

○發聘

正月壬午李註伯業之盛

叔孫豹鄆世子巫如晉左穆叔觀鄆大子于晉以成屬鄆宗廟魯非有天子命而私屬鄆以為附庸皆失正甚矣書曰叔孫豹鄆世子巫如晉猶吾大夫焉交讓之

仲孫蔑衛孫林父會吳于善道指且此乃會戚事寔作文當道公作彼聽好此告期描出一段慕義光景未證明然則戚之會乃吳人來會云云仍繳稱人據下傳諸侯往與之會而主吳則疑而稱國書法則此會分明失體廣疑欲主此亦有見

秋大雩

楚殺其大夫公子壬夫左楚人討陳叛故曰由令尹子辛實侵欲焉乃殺之

公會晉侯宋公陳侯衛侯鄭伯曹伯莒子邾子滕子薛伯齊

世子光吳人鄆人于戚

左傳吳子使壽越如晉辭不會于雞澤之故且請聽諸侯之好音人將為之合諸侯使魯衛先會吳且告會期

故孟獻子孫文子會吳于善道九月盟于戚會吳且命戊陳也

胡傳吳何以稱人按左氏吳子使壽越如晉請聽諸侯之好音人將為之合諸侯使魯衛大夫會吳于善道且

告會期然則戚之會乃吳人來會不為主也來會諸侯而不為主則進而稱人諸侯往與之會而主吳則貶而稱國

聖人之情見矣春秋之義明矣

指且來會諸侯便是諸侯為主諸侯在會便是主吳皆非有兩層主是賓主之主非主會也聖人之情見矣句極重會戚會相合相舉入到供一稱人一舉號因其順逆善惡而待之異就聖意發

公至自會

冬戊陳

指凡見陳迺傅子辛駢師獻子固有知時之患彭名振旅武仲已致行禮之憂合戊鄭虎牢恤小逼小以戊之美惡比

楚公子貞帥師伐陳

公會晉侯宋公衛侯鄭伯齊世子光於陳

左傳

楚子囊為令尹范宣子曰我喪陳矣楚人討貳而立子囊必改行而疾討陳陳近于楚民朝夕惡能無在平有陳非吾事也無之而後可冬諸侯伐陳子囊伐陳會于城棣以救之指見陳迺傅所云救陳指會鄭事非指此也不可借別連戊陳出亦未當○同人曰玩亦既勤矣一勤字城棣之救何嘗不包舉其中因指數不盡故捕舉兩頭非獨遺此救也舊說似拘

十有二月公至自救陳

善之故以救陳致天全范氏

辛未季孫行父卒

左傳

季文子卒大夫入飲公在位宰庀家器為葬簡無衣帛之妾無食粟之馬無藏金玉無重器備君子是以知季文子之忠于公室也相三君矣而無私積可不謂忠乎

甲午靈王五年 六年

春王三月壬午杞伯姑容卒

夏宋華弱來奔

左傳

宋華弱與樂轡少相狎長相優又相謗也子蕩怒以弓楛華弱于朝卒公見之曰司武而楛于朝難以勝矣遂逐之夏宋華弱來奔司城子罕曰同罪異罰非刑也專戮于朝罪孰大焉亦逐子蕩子蕩射于罕之門曰幾日而不我從子罕善之如初

秋葬杞桓公

滕子來朝

子蕩樂轡也張其頸若楛之在罕故曰

曾伯下公穀有莒子邾子滕子薛伯

晉人滅鄩

胡傳穀梁子曰晉人滅鄩非滅也立異姓以蒞祭祀滅亡也或曰鄩取莒公子為後罪在鄩子不在莒人者蓋欲立其出梁亡之例而善鄩亡不當但責莒人也今直罪莒舍鄩何哉曰莒人之以其子為鄩後與黃歇進李園之妹於楚玉呂不韋獻邯鄩之姬于秦公子其事雖殊其欲滅人之祀而有其國則一也春秋所以釋鄩而罪莒歟

冬叔孫豹如邾

季孫宿如晉左晉人以鄩故來討曰何故亡鄩季武子如晉見自聽命

十有二月齊侯滅萊

乞未靈 七年 是年冬鄭僖公弑

春邾子來朝

夏四月三十郊不從乃免牲

左傳孟獻子曰吾乃今而後知有卜筮夫郊祀后稷以祈農事也是故啓蟄而郊郊而後咄今既咄而卜郊宜其不從也

小邾子來朝

城費

胡傳費季氏邑也按左氏南遺為費宰叔仲昭伯為隧正故季氏城費夫文子相三君無衣帛之妾無食粟之馬無藏金玉無重器備則固忠于公室而不顧其所食之私邑也及行父卒宿之不忠遂專魯國之政群小婚之無故勞民矣興是役季氏益張其後孔子行乎季孫三月不違至於帥師墮費其越禮不度可知矣然則書城費乃履霜堅冰之戒強私家弱公室之萌據事直書而義自見矣用人不惟其賢惟其世豈不殫哉

城費

指月季氏之弱魯自宿始而城費乃宿不忠起手第一件
事觀其後云云則今日之城明是箇履霜之漸強私弱公
之萌漸與萌字重看向使官不世及于宿寧有是乎大抵
祖父賢者子孫未必賢即如行父一卒其子孫就幹出不
忠的事來用人惟世豈不殆哉此又把宿之不忠事以戒
後之世官也作文以越禮不度作事寔以履霜之戒二句
作實講而以用人不惟其賢三句用味歎語大發于後參
旨定群小媚之等句要就中洗發見世卿權重便有一種
小人先事逢迎
羽翼為非

城費 作三軍

周邑 越禮不度可知矣
專兵 民不屬公可知矣

合那丘越禮委權上有漸字萌字下有微字光字
合叔弓國費不忠不恕

秋季孫宿如衛。八月螽

冬十月衛侯使孫林父來聘壬戌及孫林父盟

左傳

衛孫文子來聘且拜武子之言而尊孫相子之盟公
登亦登叔孫穆子相趨進曰諸侯之會寡君未嘗後
衛君今吾子不後寡君寡君未知所過吾子其少安孫子
無辭亦無愆容穆叔曰孫子必亡為臣而君過而不愆亡
之本也詩曰退食自公委蛇委
蛇謂從者也衛而委蛇必抑

楚公子貞帥師圍陳

十有二月公會晉侯宋公陳侯衛侯曹伯莒子邾子于鄆

子囊圍陳會于鄆以救之指且至陳逃傳諸
侯又救之句重陳不可背意 加貞圍陳同

鄭伯髡頑如會未見諸侯丙戌卒于鄆

陳侯逃歸

左傳 陳人患楚慶虎慶寅謂楚人曰吾使公子黃往而執
之楚人從之二慶使告陳侯于會曰楚人執公子黃
矣君若不來群臣不忍社稷
宗廟懼有二圖陳侯逃歸

從順行 衡橫也 謂不順 道 鄆殺作 原鄆公 穀作髡 穀作操

胡傳

逃義曰逃逃者匹夫之事上二年諸侯伐陳今楚令尹來伐諸侯又救之亦既勤矣為陳侯計者下令國中大神倣衛立太子以固守親聽命于諸侯謀禦敵之策當是時晉君方明入卿和睦諸侯聽命必能致力于陳矣不此之顧棄儀衛而逃歸此匹夫之事耳夫義路也禮門也輕棄中國惟蠻夷之懼是不能出是路出入是門故書逃歸以罪之可謂深切著明矣

指月禮義二字要醒輕字亦要玩晉君方明數句不重晉勢盛乃為陳畫策正是禮義之事明明易為者故曰路曰門

丙申靈

八年

鄭簡公嘉元年

合獲燮背伯虐鄰上大伸倣備云云下信任仁賢云云

春王正月公如晉

左公如晉朝且聽朝聘之數指月王邢丘傳魯公在晉句虛發宿不宜會東歸失正

夏葬鄭僖公

鄭人侵蔡獲蔡公子燮指月見與伐傳責國耳重無故二字燮殺作濕後同

左傳

鄭子國子耳侵蔡獲蔡司馬公子燮鄭人皆喜惟子產弗順曰小國無文德而有武功禍莫大焉楚人來討能勿從乎從之晉師必至晉楚伐鄭自今鄭國不四五十年弗得寧矣子國怒之曰爾何知國有大命而有正卿童子言焉將為戮矣

季孫宿會晉侯鄭伯齊人衛人邾人于邢丘

左傳

會于邢丘以聽朝聘之數使諸侯之大夫聽命季孫宿齊高厚宋向戌衛甯殖邾大夫會之鄭伯獻捷于會故親聽命

胡傳

蘇轍曰晉悼公脩文襄之業改命朝聘之數使諸侯之大夫聽命于會大夫稱人眾辭也朝聘之節儉而有禮眾之所安也臣則以為大夫稱人貶之也昔周公戒成王以繼自今我其立政立事夫不自為政而委於臣下是以國之利器示人而不知寶也朝聘事之大者重煩諸侯而使大夫聽命無乃以姑息愛人而不由德乎使政在大夫而諸侯失國又豈所以愛之也後此八年溴梁之會脾公初沒諸侯皆在而大夫獨盟君若贅旒夫豈一朝一

夕之故哉故邢丘之事魯公在晉而季孫宿會見魯之失正也諸侯之大夫貶而稱人謹其始也

邢丘

指且改命朝聘之數此是小事不該使大夫聽命非謂後此朝聘皆大大一傳機括全以愛字番撥要與得愛中之毒出利器字亦緊要正魚不可脫於淵意謹始始字對後此漢梁之會言魯之失正謂失君臣之正此句不重只舉魯以驗諸侯耳貶而稱人抑之以見不當代君也

邢丘

作三軍

政權不可委人兵權不可去公室

文公襄公周公僖公

須說得利害分明

合盟宋俱謹始大權大防

合城杞脩先業而委政棄先業而崇私

公至自晉

莒人伐我東鄙

以疆郕田

秋九月大雩

冬楚公子貞帥師伐鄭

左傳

楚子囊伐鄭討其侵蔡也子期子圍子耳欲從楚子

兆上詢謀也既上且謀多則競作羅網無成功

人壽幾何兆云詢多職競作羅謀之多族民之多違事滋無成民惡矣姑從楚以紓吾民晉師至吾又從之敬其幣帛以待來者小國之道也犧牲玉帛待於二席以待強者而庇民焉寇不為害民不罷病不亦可乎子展曰小所以事大信也小國無信兵亂日至亡無日矣五會之信今將背之雖楚救我將安用之親我無成鄭我是從不可從也不如待晉晉君方以四軍無關八卿和睦必不棄鄭楚師遼遠糧食將盡必將速歸何患焉舍之聞之杖莫如信完守以老楚杖信以待晉不亦可乎子驪曰詩云謀夫孔多是用不集發言盈庭誰敢執其咎請從楚驪也受其咎乃及楚平使王子伯駢告于晉曰君命敝邑脩而申驪敝而師徒以討亂畧蔡人不從敝邑之人不敢寧處悉索敝賦以討于蔡獲司馬燮獻于邢丘今楚來討曰女何故敢稱兵于蔡焚我郊保馮陵我城郭敝邑之衆夫婦男女不違

啓處以相救也。翦焉傾覆無所控告，民死亡者非其父兄，卽其子弟。夫入愁痛，不知所庇，民知窮困而受盟于楚，孤也。與其二三臣不能禁止，不敢不告知。武子使行人于員，對之曰：君有楚命，亦不使一介行李告于寡君，而卽安于楚。君之所欲也，誰敢違君寡君將帥諸侯以見于城下，唯君圖之。

兩傳齊宣王問於孟子：交鄰國有道乎？孟子曰：有。唯智者畏天者也。畏天者保其國，鄭介大國之間，困強楚之令而欲息肩于晉，若能信任仁賢，明其刑政，經畫財賦，以禮法自守而親比四鄰，必能保其封境，荆楚雖大，何畏焉？而子耳于國加兵于蔡，獲公子燮，無故怒楚，所謂不脩文德而有武功者也。楚人來討，不從則力不能敵，從之則晉師必至。故國人皆喜，而子產獨不願焉。以晉楚之爭，鄭自茲弗得寧矣。是以獲公子燮，特書侵蔡以罪之，而公子貞來伐，鄭及楚平，不復書矣。平而不書，以見鄭之屈服于楚而不信也。犧牲玉帛待于境上，以待強者而請盟，其能國乎？指且此傳，通自侵蔡失謀說來，以畏天者保其國一句，繼之，庶幾不信，只是挑別不其平之意，不可據此為王德是。

前日侵蔡，不是到今日，誰欲信而不可得，故為犧牲待境之計耳。待盟而不信，不信，故其平不足紀也。其能國乎？正與保其國相應。夫事大，力失于事晉，蓋楚無舉而後事晉得安耳。非欲其權于楚也。○同人曰：不信，本于展語。所謂小國無信也。指背晉非指欺楚是。時完守，杜信云云。實亦良策。而子驪悍然不顧，獨伸待境之謀，殊不可曉。然此意至伐鄭盟，戲傳始言。之在本傳，只迫答侵蔡耳。合貞救鄭，不智不義，士根侵蔡下根成鄭。

晉侯使士匄來聘

左傳：晉范宣子來聘，且拜公之辱，告將用師于鄭，公享之。宣子賦：標有梅，李實之。武子曰：誰敢哉！今晉于草木寡君，在君君之臭味也。歡以承命，何時之存？武子賦：角弓。賓將出，武子賦：彤弓。宣子曰：城濮之役，我先君文公獻功于衡雍，受彤弓于襄王，以為子孫藏，句也。况君守官之嗣也，敢不承命？君子以為知禮。

士匄聘

標有梅，名南義，取及時，其討鄭，角弓小，飛取兒，弟婚姻，無相遠矣。

諸月王遂納幣傳知禮作衛雍之受不
忘先君之功彤弓之燕克承守官之命

丁酉靈 九年

春宋災

夏季孫宿如晉

五月辛酉夫人姜氏薨

附左秦景公使士雅乞師于楚將以伐晉楚子許之子囊
失選官不易方其卿讓于善其大夫不失守其士競于教

其庶人力于農穡商工見隸不知遷業韓厥老矣知營稟
焉以為政范旬少于中行讓而上之使佐中軍韓起少于

樂厲而樂厲士飭上之使佐上軍魏絳多功以趙武為賢
而為之佐君明臣忠上讓下薦當是時也晉不可敵事之

而後可君其圖之主曰吾既許之矣雖不及晉必將出師
欲楚子師于武城以為秦援

秦人侵晉晉備而能禦也

災公作

雅晉田

類能隨
其能也
方宜也

秋八月癸未葬我小君穆姜

多公會晉侯宋公衛侯曹伯莒子邾子滕子薛伯杞伯小邾

子齊世子光伐鄭十有二月己亥同盟于戲

左傳諸侯伐鄭師于池令于諸侯曰脩器備盛饌糧歸者
勿居疾于虎牢辟青圍鄭鄭人恐乃行成中行獻子

曰遂圍之以待楚人之救也而與之戰不然無成知武子
曰許之盟而還師以徹楚人吾三分四軍與諸侯之銳以

逆來者於我未病楚不能矣猶愈于戰暴骨以遲不可以
爭大勞未艾君子勞心小人勞力先王之制也諸侯皆不

欲戰乃許鄭成同盟于戲將盟晉士莊子為載書曰自今
日既盟之後鄭國而不唯晉命是聽而或有異志者有如

此盟公于肆趨進曰天禍鄭國使介居二大國之間大國
不加德音而亂以要之使其鬼神不獲飲其祀祀其民人

不獲享其土利夫婦辛苦墊隘無所底告自今日既盟之
後鄭國而不唯禮與強可以庇民者是從而敢有異志

者亦如之荀偃曰改載書公孫舍之曰昭大神要言焉若
可改也大國亦可叛也知武子謂獻子曰我實不德而要

公作穆

盛音成

人以盟豈禮也哉非禮何以主盟姑盟而退脩德息師而
來終必獲鄭何必今日我之不德民將棄我豈唯鄭若能
休和遠人將至何
恃于鄭乃盟而還

胡傳 鄭之見伐于楚子駟欲從楚子展曰小國無信兵亂
為失也而子駟遂及楚盟於是晉師至矣諸侯伐鄭晉人
令於列國脩器備盛餼糧歸老幼居疾于虎牢肆背圍鄭
鄭人恐乃行成荀偃曰遂圍之以待楚人之救而與之戰
不然無成知罃曰許之盟而還師以敝楚吾三分四軍與
諸侯之銳以逆來者於我未病楚不能矣猶愈于戰乃許
鄭成同盟于戲夫善為國者不師善師者不陣善陣者不
戰知武子明于善陣之法以佐晉悼公屢與諸侯伐鄭楚
輒救之而不與之戰楚師遂屈得善勝之道矣故下書蕭
魚之會以美之

○ 伐鄭盟戲

指月三分四軍是以四軍分作三軍楚以全師出此以一
軍當楚出三次而我出只一次故不戰而可敝楚與諸侯

之銳句不開惟有外兵相合此我軍所以可分而楚不得
以單弱應也分軍之謀到三駕方是實行其事然不戰則
自今日始矣只重善于敝楚上不可以服鄭混之悼公知
罃並用須知悼之時楚比桓文時更強但可敝而不可爭
武子見得分明非漫為退也下書蕭魚非書法傳者舉其
成功以見其謀之善耳於是晉師至矣以前一段雖說鄭
失謀然只原今日伐鄭之故不是斷罪語只提起○京少
曰待楚至而與之戰無論勝不可必即戰勝豈足屈楚哉
却陵館穀楚勢益張其期徵矣楚不屈于勝而屈于不戰
之勝善字全要揣時度勢而言之非空空惡戰善不戰也

十二國伐鄭

指月只至於晉師至矣以前一段失策在不信上重責
子駟遂及楚盟遂字亦要玩晉人脩器備盛餼糧等事可
講挑

○ 盟戲

旨定與
全題同

伐鄭盟戲

亳北伐宋

善謀傲楚

知榮

○盟戲

蕭魚

謀傲楚

詐謀致晉

子展

○盟戲

夾谷

以謀制敵

荀榮

此題下傳只有理字

年刻講章者因仍沿襲致場屋中承訛者收遵傳者黜則旨定一字之訛寔生厲惜也如此類今悉訂正合會夷儀下書蕭魚如下文所貶

附左

公送晉侯晉侯以公宴于河上問公年季武子對曰會于沙隨之歲寡君以生晉侯曰十二年矣是謂一終一星終也國君十五而生子冠而生子禮也君可以冠矣大夫盍為冠具武子對曰君冠必以祿享之禮行之以金石之樂節之以先君之祧處之今寡君在行未可具也請及兄弟之國而假備焉晉侯曰諾公還及衛冠于成公之廟假鐘磬焉禮也

楚子伐鄭

左傳

子駟將及楚平子孔子蟠曰與大國盟口血未乾而晉之可乎子駟子展曰吾盟固云唯強是從今楚師至晉不我救則楚強矣乃及楚平公子罷戎入盟同盟于中分

○楚子伐鄭

至盟戲傳指月晉師不待楚至而即還正其不戰之謀不可云楚伐而不救鄭禍只點起

附左

晉侯歸謀所以息民魏絳請施舍輸積聚以貸自公以下苟有積者盡出之國無滯積亦無困人公無禁利亦無貪民所以幣更賔以特牲器用不作車服從給行之期年國乃有節三駕而楚不能與爭

戊戌靈王九年 十年

春公會晉侯宋公衛侯曹伯莒子邾子滕子薛伯杞伯小邾

子齊世子光會吳子祖

指月與鍾離同會戚傳往與之會而主吳正是不能抗處但此當晉悼方

盛時講詞須有斟酌蓋悼不過欲速困楚不知楚困而吳與也

春秋左傳卷二十一

十一

夏五月甲午遂滅偃陽

春秋卷二十一

十九

左傳 晉荀偃士句請伐偃陽而封宋向戌焉荀偃曰城小
而固勝之不武弗勝為笑固請丙寅圍之弗克孟氏
之臣秦莖父擊重如役偃陽人啓門諸侯之士門焉縣門
發聃人紇執之以出門者狄虎彌建大車之輪而蒙之以
甲以為櫓左執之右拔戟以成一隊孟獻子曰詩所謂有
力如虎者也主人縣布莖父登之及堞而絕之隊則又縣
之蘇而復上者三主人辭焉乃退帶其斷以狗於軍三日
諸侯之師久于偃陽荀偃士句請于荀偃曰水潦將降懼
不能歸請班師知伯怒投之以機出于其間曰女成二事
而後告余余恐亂命以不女違女既勤君而與諸侯牽帥
老夫以至於此既無武守而又欲易余罪日是實班師不
然克矣余羸老也可重任乎七日不克必爾乎取之五月
庚寅荀偃士句帥卒攻偃陽親受矢石甲午滅之書曰遂
滅偃陽言自會也以與向戌向戌辭曰君若猶辱鎮撫宋
國而以偃陽光啓寡君群臣安矣其何媿如之若專場臣
是臣與諸侯以自封也其何罪大焉敢以死請乃予宋公
宋公享晉侯于楚丘請以桑林荀偃辭荀偃士句曰諸侯
宋公於是觀禮禮有禘樂實祭用之宋以桑林享君不亦

偃穀作

莖音謹 門者者 侯之士 在門內 者也挾 舉縣門 山在內 者虎音 斯虎音 魯人縣 布以試 外斷斷 布也機 本作几 出句偃 之間羸 音雷 桑林殷 天子樂 名旌夏

可乎舞師題以旌夏晉侯懼而退入于房去旌卒享而還
及著雍疾卜桑林見荀偃士句欲奔請禱焉荀偃不可曰
我辭禱矣彼則以之猶有鬼神於彼加之晉侯有間以偃
陽子歸獻于武宮謂之夷俘師歸孟獻子以秦莖父為右
生秦不效 事仲尼

○滅偃陽

指月見戰邲傳只論將權之重勿
作贊詞偃陽楚與國通吳要地

公至自會

楚公子貞鄭公孫輒帥師伐宋 師于訾母庚午圍宋門于桐

指月借戊虎牢傳鄭人從楚固為不義

晉師伐秦

秦報其侵也

秋莒人伐我東鄙

左莒人間諸侯之有事也故伐我東鄙

大旌也 題識也 以大旌 表識其 行列

春秋左傳卷二十一

二十一

公會晉侯宋公衛侯曹伯莒子邾子齊世子光滕子薛伯杞

悼公三駕之一

伯小邾子伐鄭左諸侯伐鄭齊崔杼使太子光先至于師故長于滕已酉師于牛首

○十二國伐鄭牛首

指月主盟戲傳要旨兼用魏絳甚不必齊光先滕只點起

冬盜殺鄭公子騂公子發公孫輒

胡傳按左氏鄭公子騂當國發為司馬輒為司空騂與尉

正有爭及為田洫司氏堵氏侯氏子師氏皆喪田故五族聚不逞之徒以作亂入西宮殺三卿于朝不稱大夫失卿職也卿大夫者國君之陪貳政之本也本強則精神折衝聞有偃息談笑而卻敵國之兵勝千里之難者矣乃至於身不能保而盜得殺之于朝安在其為陪貳乎故削其大夫為當官失職者之鑒

騂公穀作斐

戊鄭處牟楚公子貞帥師救鄭

左傳諸侯之師城虎牢而戊之晉師城梧及制士魴魏絳還縶也

而南至于陽陵楚師不進知武子欲退曰今我逃楚楚必驕驕則可與戰矣欒黶曰逃楚晉之恥也合諸侯以益恥不如死我將獨進師遂進已亥與楚師夾潁而軍子蟜曰諸侯既有成行必不戰矣從之將退不從亦退退楚必圍我猶將退也不如從楚亦以退之宵涉潁與楚人盟欒黶欲伐鄭師荀營不可曰我實不能禦楚又不能庇鄭鄭何罪不如致怨焉而還今伐其師楚必救之戰而不克為諸侯笑克不可命不如還也丁未諸侯之師還侵鄭北鄙而歸楚人亦還

胡傳虎牢之地城不繫鄭者責在鄭也戊而繫鄭者罪諸

侯也曷為責鄭設險所以守國有是險而不能設險牲玉帛待盟境上使其民人不享土利辛苦墊隘無所底吉然後請成故城不繫鄭者責其不能有也曷為罪諸侯夫鄭人從楚固云不義然中國所以城之者非欲斷荆楚之路為鄭蔽也駐師扼險以逼之爾至是伐而復戍焉猶前志也則可謂以義服之乎故戊而繫鄭者若曰鄭國分地受諸天子非列國所得專所以罪諸侯也聖人既以虎

牢還繫于鄭又書楚公子貞師師救鄭諸侯之罪益明矣夫以救許楚所以深罪諸侯不能保鄭肆其陵逼會荆楚之不若也

戊虎牢貞救

指月玩傳則城虎牢時已有罪諸侯意但傳至此因復繫鄭而始發其意耳作文須就駐師阨險以偏意喫緊發揮墜入猶前志意方有味傳非責其不能斷楚之路為鄭蔽特發其志在偏鄭不在蔽鄭耳志字極重義不義字正相應夫下惟義可以服不義今始終止有偏人一念全無分毫保恤他的意思則彼固非義而我可謂以義服之乎係鄭與善故兩書法遊例鄭固分地云云是解書法文中不必入講

只戊虎牢單用繫鄭一書法只貞救以救形戊痛發會荆楚之不若意只罪晉非予楚

公室自伐鄭

至伐鄭

至盟戲傳楚輒救之而不與戰

附左

王叔陳生與伯與爭政王右伯與王叔陳生怒而出奔及河晉侯使士匄平王室王叔與伯與訟焉王叔之宰與伯與之大夫瑕禽坐獄于王庭士匄聽之王叔之宰曰篳門閭實之人而皆陵其上其難為上矣瑕禽曰昔平王東遷吾七姓從王牲用備具王賴之而賜之駢旄之盟曰世世無失職若篳門閭實其能來東底乎且王何賴焉今自王叔之相也政以賄成而刑放于寵官之師旅不勝其富吾能無篳門閭實乎唯大國圖之范宣子曰天子所右寡君亦右之所左亦左之使王叔與伯與合要王叔氏不能舉其勢王叔奔晉

巳亥靈王十年 十有一年

春王正月作三軍

左傳

季武子將作三軍告叔孫穆子曰請為三軍各征其軍穆子曰政將及于子必不能武子固請之穆子曰然則盟諸乃盟諸偃闕詛諸五父之衢正月作三軍三分公室而各有其一三子各毀其乘季氏使其乘之人以其制貢賦

右助也

駢旄赤牛底至也

大國三軍魯次大國而為大國之制貢賦

役邑入者無征不入者倍征孟氏使半為臣若子若弟叔孫氏使盡為臣不然不舍

胡傳三軍魯之舊也古者大國三軍次國二軍小國一軍

字而史克作頌其詩曰公車千乘說者以為大國之賦也又曰公徒三萬說者以為大國之軍也故知三軍魯之舊爾然車而謂之公車則臣下無私乘也徒而謂之公徒則臣下無私民也若有侵伐諸卿更帥以出事畢則將歸于朝車復于甸甲散于丘卒還于邑將皆公家之臣兵皆公家之衆不相繫也文宣以來政在私門襄公幼弱季氏益張廢公室之三軍而三家各有其一季氏盡征焉而舊法亡矣是以謂之作其明年季孫宿救台遂入郟又其後享范獻子而公臣不能具三綱氏不屬公可知矣春秋書其作舍以見昭公失國定公無正而兵權不可去公室有天下國家者之所宜鑒也

作三軍

指月自三軍魯之舊也至是以謂之作論作三軍之實其明年至可知矣是兵權去公室之驗昭定又其禍也而兵

必重三家各以父兄子弟分爲四季氏盡取之叔孫氏取子父兄歸公孟氏止取子弟以三歸公蓋分民爲十二公得五三舍謂舍故而改作也此本言

權不可去公室有天下國家所宜鑒二句極重乃聖人書其作舍之正意至此作交

作三軍

用田賦

兵制變田制變

一謹權重本

史克之頌有若之對

夏四月卜郊不從乃不郊

鄭公孫舍之帥師侵宋

左傳

鄭人患晉楚之故諸大夫曰不從晉國幾亡楚弱于我楚弗敢敵而後可固與也子展曰與宋爲惡諸侯必至吾從之盟楚師至吾又從之則晉怒甚矣晉能驟來楚將不能吾乃固與晉大夫說之使疆場之司惡于宋宋向戌侵鄭大獲夏鄭子展侵宋

舍之侵宋

指月後傳欲致晉師而後與之雖指楚鄭伐宋股然玩左傳子展語則所謂從子展之謀實始于此此乃後日既同必叛張本雖不可便將不信斷罪然純講失謀全不照顧不信亦未是

舍之侵宋

十二國伐鄭

北林

鄭欲致晉而與之
晉欲致楚而敵之

子展
知微

公會晉侯宋公衛侯曹伯齊世子光莒子邾子滕子薛伯杞

悼公三
駕之二

伯小邾子伐鄭

指月此比與三駕年號字數俱同即出宜主
三駕作或連公至伐出便有分別主伐而即

至不戰作須用
左傳事寔別之

左傳

四月諸侯伐鄭已亥齊太子光宋向戌先至于鄭門
于東門其莫晉荀營至于西郊東侵舊許衛孫林父

侵其北鄙六月諸侯會于北林師于向右
還次于瑣圍鄭觀兵于南門西濟于濟隧

秋七月己未同盟于亳城北公至自伐鄭

左傳

鄭人懼乃行成同盟于亳范宣子曰不慎必失諸侯
諸侯道敝而無成能無貳乎乃盟載書曰凡我同盟

毋瀆年毋壅利毋保姦毋留隱救災恤禍亂同好惡
王室或聞茲命司慎司盟各山各川群神群祀先王先公

七姓十二國之祖明神極之俾
失其民隊命亡氏踣其國家

楚子鄭伯伐宋

左傳

楚子囊乞師于秦秦右大夫詹帥帥從
楚子將以伐鄭鄭伯逆之丙子伐宋

胡傳

盟于亳城北鄭服而同盟也尋復從楚伐宋故書同
盟見其既同而又叛也既同而又叛從子展之謀欲

致晉師而後與之也故亳之盟其載書曰或聞茲命明神
極之俾失其民隊命亡氏踣其國家雖渝此盟而不顧也

意慢鬼神至于此
極而盟猶足恃乎

亳北 伐宋

只楚鄭伐宋同

指月此傳論盟不足恃在慢鬼神之極上看出要根子展
之謀來蓋亳北之載書可謂極重之誓而鄭人直借以行
致晉之策尚有
何載書可恃乎

亳北

指月只做鄭服而同盟一包含不可叛意失民路
國墜命亡氏須要張皇其說收惡其反覆而書同

○亳北 蕭魚 盟不足恃 誠能感人

公會晉侯宋公衛侯曹伯齊世子光莒子邾子滕子薛伯杞

伯小邾子伐鄭會于蕭魚

左傳 九月諸侯悉師以復伐鄭觀兵于鄭東門鄭人使王
子伯駢行成晉趙武入盟鄭伯鄭子展出盟晉侯十

二月會于蕭魚赦鄭囚皆禮而歸之納斥侯禁侵掠晉侯
使叔胙告于諸侯公使臧孫紇對曰凡我同盟小國有罪

大國致討苟有以藉手鮮不赦宥寡君聞命矣鄭人賂晉
侯以師慳師觸師獨黃車輶車淳十五乘甲兵備凡兵車

百乘歌鍾二肆及其鐘磬女樂二八晉侯以樂之半賜魏
絳曰子教寡人和諧戎狄以正諸華八年之中九合諸侯

如樂之和無所不諧請與子樂之辭曰夫和戎狄國之福
也八年之中九合諸侯諸侯無慝君之靈也二三子之勞

也臣何力之有焉抑臣願君安其樂而思其終也詩曰樂
只君子殿天子之邦樂只君子福祿攸同便蕃左右亦是

韓公三 駕之三

惛音恢 齒音捐 輶徒溫 反淳稠 也肆列 也鍾音 也殿鎮也

帥從夫樂以安德義以處之禮以行之信以守之仁以厲
之而後可以殿邦國同福祿來遠人所謂樂也書曰居安
思危思則有備有備無患敢以此規公曰子之教敢不承
命抑微子寡人無以待戎不能濟河夫賞國之典也藏在
盟府不可廢也子其受之魏絳於是乎始有金石之樂

胡傳 會于蕭魚鄭又服而請會也才書鄭會謂其不可信
也而晉悼公推至誠以待人信鄭不疑禮其因而歸

焉納斥侯禁侵掠遣叔胙告于諸侯而鄭自此不復背晉
者二十四年矣哉誠之能感人也自悼公能謀于魏絳以

息民聽于知武子而不與楚戰故三駕而
楚不能與之爭雖城濮之績不越是矣

○伐鄭蕭魚

指月駕外只就服貳上見蓋鄭服而楚不能爭屈可知矣
盟戲傳亦止云楚師遂屈不可誤用服字究竟楚爭鄭之
心未已只是鄭願從晉而力又不加直付之無可奈何耳
二意總在會蕭魚內總起中分先後依傳鄭不可信非責
鄭正起下悼公信鄭不疑須玩兩而字惟不可信而信之
故知悼之為誠惟以不可信者而竟不叛故知誠之感人

為至駕楚可言績服鄭不可言績即駕楚一邊傳但曰雖城濮云云原無序績語此傳意只是問開敘去二邊俱無書法參旨定傳以城濮結重在序績上○同人曰推誠感鄭是傳者十分嘉歎處下半傳因楚不能爭而原其所自以美其績亦極揚詡之辭上下輕重相當或欲以意畸重者非也但須臾傳語氣莫作板對此係悼公盛業行文不妨熱鬧指月謂閒閒敘去正恐未合傳情

○伐鄭 東門

指月此與前二駕不同彼尚用謀此已成功矣魏絳息民就施舍輸積等言與武子分銳逆來自是二策不得概指不戰蓋息乃滋息之息非休息之息

○蕭魚

指月鄭不可信重提起跌下方有力至哉誠之能感人也嗚呼歎得出

○蕭魚 夾谷

至哉誠之能感人也 天下莫大于堊 休傳者精神

○蕭魚

禮誠能感火 悼公

合意如至會申以前鄭不叛者二十餘年名陵以前諸侯不合二十餘年合越入吳以誠感貳服之久以力勝人報之速

公至自會

楚人執鄭行人良霄

左傳鄭人使良霄太宰石彘如楚告將服于晉曰孤以社稷之故不能懷君君若能以玉帛綏晉不然則武震以攝威之孤之願也楚人執之

○執良霄

指月主蕭魚傳僅執告絕之使以洩其忿可見無能為矣倒晉悼作

冬秦人伐晉

殺作良宵 奕奕畧反

左傳 秦庶長鮑庶長武帥師伐晉以救鄭鮑先入晉地士庶長
師戰于欒晉師敗績易秦故也

春秋指掌卷之二十二

宜興 儲欣同人 撰輯
武進 蔣景祁京少 撰輯
武進 蔣金式玉度參閱

襄公中

庚子靈王十有二年 是年吳子壽夢乘卒

春王三月莒人伐我東鄙圍台季孫宿帥師救台遂入鄆

胡傳 鄆莒邑也遂者生事也入者逆詞也大夫無遂事受命而救台不受命而入鄆惡季孫宿之擅權使公不得有為於其國也或曰古者命將得專制閫外之事有可以安國家利社稷者專之可也曰此為境外言之也台在邾城之中而專行之非有無君之心者不敢為也昭公逐定無正夫豈一朝一夕之故哉其所由來者漸矣

台穀作鄆公作運

霜月以六夫無遂事句斷獄以邦域之中馭
定之敢字要發書法重遂字而入字帶之

夏晉侯使士魴來聘左晉士魴來聘且拜師左許氏晉悼服鄭抑楚而聘魯善持勝也

○士魴聘

霜月予悼善持勝

秋九月吳子乘卒

冬楚公子貞帥師侵宋左師于楊梁以報晉之取鄭也

○貞侵宋

霜月王蕭魚傳徒伐其與國見楚之無能為也與執良霄同

附左靈王求后于齊齊侯問對于晏桓子植子對曰先王若而人妾婦之子若而人無女而有姊妹及姊妹則曰先守某公之遺女若而人齊侯許婚主使陰里結之

公如晉左公如晉朝且拜士魴之辱

辛丑左王十二年 十有三年 吳諸樊過元年是年秋楚共王審卒

春公至自晉左孟獻子書勞于廟禮也

如晉 十二 公至

霜月王公在楚傳外拜士魴之辱禮內有獻子之書勞

夏取郟左郟亂分為三師救郟遂取之

○取郟

霜月與取郟同

附左荀營士魴卒晉侯蒐于綿上以治兵使士魴將中軍辭曰伯游偃昔臣習于知伯是以佐之非能賢也請從伯游荀偃將中軍士魴佐之使韓起將上軍辭以趙武又使欒黶辭曰臣不如韓起韓起願上趙武君其聽之使

伯游偃字

郟公作詩

春秋左傳卷二十一

趙武將上軍韓起佐之欒廕將下軍魏絳佐之新軍無帥
晉侯難其人使其什吏率其卒乘官屬以從于下軍禮也
晉國之民是以大和諸侯遂睦君子曰讓禮之主也
子讓其下皆讓欒廕為法弗敢違也晉國以平數世類之
刑善也夫一人刑善百姓休和可不務乎世之治也君子
讓能而讓其下小人農力以事其上是以上下有禮而
恩黜也由不爭也謂之懿德及其亂也君子稱其功以加
小人小人伐其技以馮君子是以上下無禮亂虐並生由
爭善也謂之昏德國
家之微恒必由之

秋九月庚辰楚子審卒

左傳 楚子疾告大夫曰不穀不德少三社稷生十年而喪
亡師于鄢以辱社稷為大夫憂若以大夫之靈獲保首領
以歿于地惟是春秋窳安之事所以從先君子禱廟者請
為靈若厲大夫擇焉莫對及五命乃許秋楚其王卒子囊
謀謚大夫曰君有命矣子囊曰君命以其若之何毀之赫
赫楚國而君歸之撫有繼衷奄征南海以屬諸
夏而知其過可不謂其平請謚之共大夫從之

冬城防 左書時也於時將早城

○冬城防

霜月至城中丘傳雖時亦書句左載
賦武仲請侯畢農事甚確他比不及

王寅靈王十有四年 楚康王昭元年

春王正月季孫宿叔老會晉士句齊人宋人衛人鄭公孫臏
曹人莒人邾人滕人薛人杞人小邾人會吳于向

左傳 吳告敗于晉會于向為吳謀楚故也范宣子數吳之
不德也以退吳人將執戎子駒支范宣子親數諸朝

日來姜戎氏昔秦人迫逐乃祖吾離于瓜州乃祖吾離被
苦蓋蒙荆棘以來歸我先君我先君惠公有不腆之田與
女剖分而食之今諸侯之事我寡君不如昔者蓋言語漏
洩則職女之由詰朝之事爾無與焉與將執女對曰昔秦
人負恃其衆貪于土地逐我諸戎惠公獨其大德謂我諸
戎是四嶽之裔皆也母是剪棄賜我南鄙之田狐狸所居

春秋左傳卷二十一

三

四岳姜

靈公作
曠後同

吳不德
以伐楚
喪故

豺狼所學我請我除其荆棘驅其狐狸豺狼以為先君
不侵不叛之臣至於今不貳昔文公與秦伐鄭秦人竊與
鄭盟而舍戍焉於是乎有穀之師晉禦其上戎亢其下秦
師不獲我諸戎實然譬如捕鹿晉人角之諸戎恃之與晉
時以從執政猶殺志也豈敢離邊今官之師旅無乃實有
所闕以攜諸侯而罪我諸戎我諸戎飲食衣服不與華同
黃幣不通言語不達何惡之能為不與於會亦無膏焉賊
齊子為季武子介以會目是晉人輕魯幣而益敬其使
胡傳使舉上客而叔老並書者以內卿行則不得不書矣
避蓋兩失之雖晉人輕其幣而敬其使於君命使人之體豈為得哉

會向

指月全在國體上論宿怙其強而介卿老畏其強而介于
卿傳分明責富老近有責君者甚誤以內卿行則不得不
書非晉人特書二卿以譏之
合會伐秦命使任將皆非

附左

吳子諸樊既除喪將立季札辭曰曹宣公之卒也諸
侯與曹人不能義曹君將立子臧子臧去之遂弗為也
以成曹君君子曰能守節君義嗣也誰敢奸君有國非吾
節也札雖不木願附于子臧以無失節固立之棄其室而
弗乃舍之

二月乙未朔日有食之

夏四月叔孫豹會晉荀偃齊人宋人衛北宮括鄭公孫萬曹
人莒人邾人滕人薛人杞人小邾人伐秦

左傳

諸侯之大夫從晉侯伐秦以報櫟之役也晉侯待于
竟使六卿帥諸侯之師以進及涇不濟叔向見叔孫
穆子穆子賦匏有苦葉叔向退而具舟魯人莒人先濟鄭
子蟠見衛北宮懿子曰與人而不固取惡甚焉若社稷
何懿子說二子見諸侯之師而勸之濟濟涇而次秦人毒
涇上流師人多死鄭司馬子蟠帥鄭師以進師皆從之至
于械林不獲成焉荀偃令曰雞鳴而駕塞井夷竈唯余馬
首是瞻欒黶曰晉國之命未有是也余馬首欲東乃歸下

軍從之伯游曰吾冷實過悔之何及多遺秦禽乃命大還
晉人謂之遷延之役樂鉞曰此役也報櫟之敗也役又無
功晉之恥也我有二位于戎路敢不恥乎與士鞅馳秦師
死焉士鞅反樂厲謂士句曰余弟不欲往而子召之余弟
死而子來是而子殺余之弟也弗逐余亦將殺之士鞅奔
秦秦伯問于士鞅曰晉大夫其誰先亡對曰其欒氏平秦
伯曰以其汰乎對曰然欒厲沈虐已甚猶可以免其在盈
平秦伯曰何故對曰武子之德在民如周人之思召公焉
愛其甘棠况其子乎欒厲死盈之善未能及人武子所施
沒矣而厲之怨實章將於是乎在秦伯以為知言為之請
于晉而復之

十三國伐秦

指月用人委政之失兼被先穀
溴梁盟二傳用人之失指樂厲

已未衛侯出奔齊

左傳 衛獻公戒孫文子甯惠子食皆服而朝日肝不色而
射鴻于圃二子從之不釋皮冠而與之言二子怒孫

文子如戚孫蒯入使公飲之酒使太師歌巧言之卒章太
師辭師曹請為之初公有嬖妾使師曹誨之琴師曹鞭之
公怒鞭師曹三百故師曹欲歌之以怒孫子以報公使
歌之遂誦之蒯懼告文子文子曰君忌我矣弗先必死并
帑于戚而入見蘧伯玉白君之暴虐子所知也大懼社稷
之傾覆將若之何對曰君制其國臣攻好之雖好之庸知
愈乎遂行從近關出公使子矯子伯子皮與孫子盟于丘
宮孫子皆殺之公出奔齊孫氏追之敗公徒于阿澤子鮮
從公及竟公使祝宗告亡且告無罪定姜曰無神何告若
有不可誣也有罪若何告無舍大臣而與小臣謀一罪也
先君有冢卿以為師保而蔑之二罪也余以中櫛事先君
而暴妾使余三罪也告亡而已無告無罪公使厚成叔弔
于衛衛使大叔儀對曰群臣不佞得罪于寡君寡君不以
御刑而悼棄之以為君憂君不忘先君之好辱弔群臣又
重恤之敢拜君命之辱重拜大貺厚孫歸復命語臧武仲
曰衛君其必歸乎有大叔儀以守有母弟鱣以出或撫其
內或營其外能無歸乎齊人以邾寄衛侯右宰穀從而逃
歸衛人將殺之曰余不說初矣余孤裘而羔袖乃赦之衛
人立公孫剽孫林父甯殖相之以聽命于諸侯衛侯在邾
臧紇如齊唁衛侯衛侯與之言虐退而告其人曰衛侯其

春秋左傳卷二十一

蒯文子 子巧言 卒章曰 彼何人 斯居河 之麋威 河土地 公欲以 喻文子 居河上 而作亂 鮮音 倦 邾音 羔 袖喻已 雖從君 出其罪

公作衛 侯衍 軒古且 反晏也

不得入矣其言糞土也亡而不變何以復國子展子鮮聞不多
 之見臧紇與之言道臧孫說謂其人曰衛君必入夫二子
 者或輓之或推之欲無入得乎師曠侍于晉侯晉侯曰衛
 人出其君不亦甚乎對曰或者其君實甚長君將賞善而
 刑淫養民如子蓋之如天容之如地民奉其君愛之如父
 母仰之如日月敬之如神明畏之如雷霆其可出乎夫君
 神之至而民之望也若困民之主匱神之祀百姓絕望社
 稷無主將安用之弗去何為天生民而立之君使司牧之
 勿使失性有君而為之貳使師保之勿使過度是故天子
 有公諸侯有卿卿置側室大夫有貳宗士有朋友庶人工
 商阜隸牧圉皆有親暱以相輔佐也善則賞之過則匡之
 患則救之失則革之自王以下各有父兄子弟以補察其
 政史為書瞽為詩工誦箴諫大夫規誨士傳言庶人詢商
 旅于市百工獻藝故夏書曰道人以木鐸狗于路官師相
 規工執藝事以諫正月孟春於是乎有之諫失常也天之
 愛民甚矣豈其使一人肆於民上以從其淫而棄天地之
 性必不

然矣

胡傳

孫甯出君眾所同疾史策書之是也聖人曷為掩姦
 藏惡不暴其罪而以歸咎人王何哉曰臣而逐君其

從音縱

罪已明矣人君擅一國之名寵何可出也所為見逐無乃
 肆于民上縱其淫虐以棄天地之性乎春秋端本清源之
 書故不書所逐之臣而以自奔為名所以警乎人君者為後世鑒

莒人侵我東鄙

全報入郟也莒自滅節之後四伐我
 矣是無晉也漠梁之執蓋有由矣

秋楚公子貞帥師伐吳

左傳

楚子為庸浦之役蒍子囊帥于棠以伐吳吳不出而
 還子囊殿以吳為不能而弗徹吳人自臯舟之隘妾

而擊之楚人不能相救吳人敗之獲楚公子宜穀
 全汪氏楚既不得志于中國故致怨于吳也

貞伐吳

指月楚不能得志於晉故致怨于吳
 與侵宋同亦有借長岸傳棄賢者

冬季孫宿會晉士句宋華閱衛孫林父鄭公孫薑莒人邾人

于戚

左傳 晉侯問衛故于中行獻子對曰不如因而定之衛有君矣伐之未可以得志而勤諸侯史佚有言曰因重而撫之仲虺有言曰亡者悔之亂者取之推亡固存國之道也君其定衛以待時乎冬會于戚謀定衛也范宣子假羽毛于齊而弗歸齊人始貳

冬會戚

指月會林父以定衛剽乃君臣大故所係而可委大夫乎見溴梁傳以晉人抑君助臣黠起黑背傳私親意可作束看假羽毛事乃後日政以賄成之漸

癸卯靈王十四年 衛殤公剽元年衛始有二君是年晉悼公周卒

春宋公使向戌來聘二月己亥及向戌盟于劉

左傳 宋向戌來聘且尋盟見孟獻子尤其室曰子有令聞而美其室非所望也對曰我在晉吾兄為之毀之重勞且不取聞

向戌聘

指月澶淵傳搭此作戌之賢指責獻子美室

劉夏逆王后于齊

胡傳 劉夏何以不稱使不與天子之使夏也昏姻人倫之本而輕天下之母矣然則何使卿往逆公監之禮也官師從單靖公逆王后于齊書劉夏而不書靖公是知卿往逆公監之禮也春秋昏姻得禮者常事不書指月只不稱使一書法

夏齊侯伐我北鄙圍成公救成至遇

圍成救至

旨定見救邢傳書所至以罪其怯以齊暴點起衛侯在齊而公與會于戚以立剽故齊來伐去伐比單主怯邊慶

發聖人仁
天下之情

季孫宿叔孫豹帥師城成郛左齊侯圍成戴于晉

城成郛

指且玉墮費傳三卿越禮各固其城何此孟孫之邑而季叔帥師以城之者蓋三家相黨以備齊為名而與役故其城堅固可守卒為魯患而不可墮也

秋八月丁巳日有食之

邾人伐我南部左使告于晉晉將為會以討邾晉侯有疾乃止冬晉悼公卒遂不克會

冬十有一月癸亥晉侯周卒

附左鄭尉氏司氏之亂其餘盜在宋鄭人以子西伯有子產之故納賂于宋以為四十乘與師蒞師蒞司城子罕以堵女父尉翩司齊與之良可臣而逸之鄭人醢之三

別言三人以見同臣獨

朝也何故無人曰必無人焉若猶有人豈其以千乘之相易淫樂之嗜必無人焉故也子罕聞之固請而歸之宋人或得玉獻諸子罕子罕弗受獻玉者曰以示玉人主人以為寶也故敢獻之子罕曰我以不貪為寶爾以玉為寶若以與我皆喪寶也不若人有其寶稽首而告曰小人懷璧不可以越鄉納此以請死也子罕真諸其里使王人為之攻之富而後使復其所

存相謂子產等也言不為子產殺三盜而得賂而歸之

甲辰靈王十五年 十有六年 晉平公彪元年

春王正月葬晉悼公

三月公會晉侯宋公衛侯鄭伯曹伯莒子邾子薛伯杞伯小邾子于溴梁戊寅大夫盟

左傳平公即位改服脩官蒸于曲沃礿守而下會于溴梁命歸侵田晉侯與諸侯宴于温使諸大夫舞曰歌詩

必類齊高厚之詩不類荀偃怒且曰諸侯有異志矣使諸大夫盟高厚高厚逃歸於是叔孫豹晉荀偃宋向戌衛甯

殖鄭公孫蕙小邾之大夫盟曰向討不庭

胡傳杜丘之會諸侯既次于匡則書曰公孫敖帥師及諸侯之大夫救徐雞澤之會諸侯既盟而陳侯使袁僑

如會則書曰叔孫豹及諸侯之大夫及陳袁僑盟今澳梁之會諸侯皆在是若欲使大夫盟者則宜書魯卿及諸侯

也上二年春正月會于向十有四國之大夫也夏四月會也秦十有三國之大夫也冬會于戚七國之大夫也此三

會皆國之大事也而使大夫皆專之而諸侯皆不與焉是

况悼公既没晉平初立無先公之明也若若贅旒而大夫

張亦宜矣夫豈一朝一夕之故哉善惡積于至微而不可

掩常情忽於未兆而不豫謀苟偃怒大夫盟而晉靖公廢

趙藉韓虔魏斯為諸侯之勢見矣夫有國者謹于禮而不敢忽此春秋以待後世之意也

指月此傳從大夫既張之後追答在事須描寫他事勢已成情景迫切不可虛虛論個禮之當謹大夫不臣由諸侯

失政諸侯失政由三會委之大夫只歸咎三會未說到刑丘蓋刑丘與三會皆使大夫專之在那丘傳則以刑丘對

澳梁為始在澳梁傳則以三會對澳梁為始况悼公云云是說必然之勢亦是罪悼公語非責平公曰使大夫專之則三會猶是悼公所使曰苟偃怒大夫盟則不待平公之命直由一怒而竟盟矣謹于禮而不敢忽正與常情忽于未兆忽字相應玩此春秋以待後世之意句重垂戒上不重斷罪

會澳梁

指月此歌後題只把諸侯皆在作案

晉人執莒子邾子以歸左以我故執邾宣公莒犁

齊侯伐我北鄙主同圍齊傳全高氏齊既叛晉聞公在會將討邾莒故復來伐三年間齊師五至于魯矣

夏公至自會

五月甲子地震

叔老會鄭伯晉荀偃衛甯殖宋人伐許全陳氏鄭非王兵也曷為會鄭伯春秋不

以大夫主諸侯則推而屬之鄭也旨定荀偃王兵而序鄭為首不以大夫主諸侯正君臣之分

左傳許男請遷于晉諸侯遂遷許許大夫不可晉人歸諸帥師會晉荀偃夏六月次于

秋齊侯伐我北鄙圍成主同圍齊傳五齊侯圍成孟孺子速速遂塞海

大雩

冬叔孫豹如晉旨定主戰紀傳下告方伯

左傳穆叔如晉聘且言齊故晉人曰以寡君之未禘祫與民之未息不然不敢忘穆叔曰以齊人之朝夕釋憾於敝邑之地是以大請敝邑之惡朝不及夕引領西望曰庶幾乎此執事之間恐無及也見中行獻子賦圻父獻子曰偃知罪矣敢不從執事以同恤社稷而使魯及此見范宣子賦鴻雁之卒章宣子曰句在此敢使魯無鳩乎

乙巳靈王十六年 十有七年

春王二月庚午邾子貜卒

宋人伐陳

夏衛石買帥師伐曹

左傳衛孫蒯田于曹墜飲馬于重丘毀其瓶重丘人閉門而詢之曰親逐而君爾父為厲是之不憂而何以田為夏衛石買孫蒯伐曹

秋齊侯伐我北鄙圍桃主同圍齊傳

齊高厚帥師伐我北鄙圍防主同圍齊傳

左傳齊人以其未得志于我故秋齊侯伐我北鄙圍桃高厚圍臧紇于防師自陽關逆臧孫至于旅松邾叔紇臧疇臧賈帥甲三百宵犯齊師送之而復齊師去之齊人獲臧堅齊侯使夙沙衛唁之且曰無死堅稽首日拜命之

鳩集也

間音閑

子仲孫 速也 陘 音刑海 陘 音魯

經公穀 作闕

詢音詭

桃公作 桃 左高上 無齊字

送紇旅 松復還 守防

辱抑君賜不終姑又使其刑
臣禮于士以杙抉其傷而死

九月大雩

宋華臣出奔陳

左傳宋華閱卒華臣弱臯比之室使賊殺其宰華吳遂幽
其妻曰昇余而大壁宋公聞之曰臣也不唯其宗室
是暴大亂宋國之政必逐之左師曰臣也亦卿也大
臣不順國之恥也不如葢之乃舍之左師為已短策
每過華臣之門必騁十一月國人逐瘳狗瘳狗入
于華臣氏國人從之華臣懼遂奔陳

冬邾人伐我南鄙

左傳為齊故也全高氏邾叛晉與齊齊人使
宋皇國父為太宰為平公築臺妨于農收子罕請侯
附左農功之畢公弗許築者謂曰澤門之哲實興我
役邑中之黠實慰我心子罕問之親執井以行築者而
扶其不勉者曰吾儕小人皆有闔廬以辟燥溼寒暑
今君為一臺而不速成何以為役誰者乃止或問其故
子罕曰宋國區區而有詛有祝禍之本也

丙午靈王十有八年

是年冬曹成公負芻卒

春白狄來

胡傳夷狄於中國無事焉其於天子世一見則諸侯雖善
其交際不得而適也是以春秋亦不與其朝不與其
朝者懲淫慝一內外也周公致太平越裳氏重九譯而獻
其白雉公曰君子德不及焉不享其贄此乃天子而讓也
况列國之君乎守藩之臣乎

夏晉人執衛行人石買

左傳晉人執衛行人石買于長子執孫
刪于純留為曹故也全劉氏石買以君命聘于晉晉人執之晉能知買伐曹之為惡矣而未知孫氏逐君之為惡也

秋齊師伐我北鄙

冬十月公會晉侯宋公衛侯鄭伯曹伯莒子邾子滕子薛伯杞伯小邾子同圍齊

穀作齊侯

杜音七

臣閱弟
臯比閱
于比音
毘瘳音

國父白
齊居澤
門子罕
黑也音
黑也音
琴祝音
况又如

子

穀作齊侯

左傳

中行獻子將伐齊夢與厲公訟弗勝公以戈擊之首

奉音捧

諸道與之言同巫曰今茲王必死若有事于東方則可以
逞獻子許諾晉侯伐齊將濟河獻子以朱絲係玉二轂而
禱曰齊環怙恃其險負其衆熒棄好背盟陵虐神至會臣
彪將率諸侯以討焉其官臣偃實先後之苟捷有功無作
神羞官臣偃無敢復濟唯爾有神裁之沈玉而濟冬十月
會于魯濟尊澳梁之言同伐齊齊侯禦諸平陰塹防門而
守之諸侯之士門焉齊人多死范宣子告析文子曰吾知
子敢匿情乎魯人莒人皆請以車千乘自其鄰入既許之
矣若入君必失國子盍圖之子家以告公公忍嬰嬰聞之
曰君固無勇而又聞是弗能久矣齊侯登巫山以望晉師
晉人使司馬斥山澤之險雖所不至必施而疏陳之使乘
車者左實右僞以旆先與曳柴而從之齊侯見之畏其衆
也乃夜遁師曠告晉侯曰鳥鳥之聲樂齊師其遁邢伯告
中行伯曰有班馬之聲齊師其道叔向告晉侯曰城上有
鳥齊師其遁十一月丁卯朔入平陰遂從齊師夙沙衛連
大車以塞隧而殿殖綽郭最曰子殿國師齊之辱也子姑
先乎乃代之殿衛殺馬于隘以塞道晉州綽及之射殖綽
中肩兩矢夾脰曰止將為三軍獲不止將取其衷顧曰為

疏建旌
旗以為
陣示衆
也

脰音豆
頸也

私誓州綽曰有如日乃弛弓而自後縛之其右具丙亦舍
兵而縛郭最皆衿甲面縛坐于中軍之鼓下晉人欲逐歸
者魯衛請攻險已卯荀偃士句以中軍克京茲之西魏絳
欒盈以下軍克郟趙武韓起以上軍圍盧弗克十二月戊
戌及秦周伐雍門之菽范鞅門于雍門其御追喜以爲殺
犬于門中孟莊子斬其櫛以為公琴已亥焚雍門乃西郭
南郭劉難士弱率諸侯之師焚申池之竹木壬寅焚東郭
北郭范鞅門于揚門州綽門于東閭左驂追還于門中以
校數闔齊侯駕將走郵棠大子與郭榮扣馬曰師速而疾
畧也將退矣君何懼焉且社稷之主不可以輕輕則失衆
君必待之將犯之天子抽劍斷
鞅乃止甲辰東侵及濰南及沂

秦周魯
大夫櫛
木名

胡傳

凡侵伐圍入未有書同者而獨于此書同圍齊何也

齊環背盟棄好陵虐神至肆其暴橫數伐鄰國觀加
兵于魯則可見矣諸侯所共惡疾故同心而圍之也同心
圍齊其以伐致何也見齊環無道宜得惡疾大諸侯之伐
而免其圍齊之罪辭也春秋于此有沮橫逆抑強暴之意
孟子曰國必自伐而後人伐之其齊侯環之謂矣尚誰懟
哉

同圍齊至伐

指月凡侵伐圍入至同心而圍之也是解同字事實其以
伐至何也以下方說出聖人主意二書法不平重以伐至
上大諸侯之伐大字只如大家大衆一般勿看得太重此
伐亦非請命誅討傳止云免其圍齊之罪不是予詞只爲
齊環強橫故沮抑之若強橫未甚聖人亦未肯幹旋衆人
如此背盟棄好四句一串下重數伐鄰國所謂橫逆強暴
也加兵于魯只舉魯一國爲驗耳民神之主也故曰陵虐
神至○同人曰天下是非不兩立宜得惡疾者在齊則惡
疾齊者可不謂得其宜乎大字必非大家大衆之說蓋是
大諸侯之聲罪致討耳楚莊縣陳不書取而曰入文定云
雖云與之可矣看此則免其圍齊之罪難道不是予詞要
之與諸侯適以罪齊環正所謂沮橫逆抑強暴之意也

○同圍齊

指月獨于此書同圍便是一經中特
筆鄒云不可以書同作書法倒泥矣

合圍蔡上罪宜討下仇宜復 合胡豹歸自伐人伐自
滅人滅

曹伯負芻卒于師

楚公子午帥師伐鄭指月見殺嘉傳暗

左傳鄭子孔欲去諸大夫將戮晉而起楚師以去之使告

穀卽位於今五年師徒不出人其以不穀爲自逸而忘先
君之業矣大夫圖之子庚嘆曰君王其謂午懷安乎吾以
利社稷也見使者稽首而對曰諸侯方睦于晉臣請嘗之
若可君而繼之子庚帥師治兵于汾於是子矯伯有子張
從鄭伯伐齊子孔子展子西守二子知子孔之謀完守入
保子孔不敢會楚師楚師伐鄭次于魚陵子庚門于純門
信于城下而還涉于魚齒之下甚雨及之楚師多凍役徒
幾盡晉人聞有楚師帥曠曰不害吾驟歌北風又歌南風
南風不競多死聲楚必無功董叔曰天道多在西北南師
不時必無功叔向曰在其君之德也

丁未靈王十有九年 曹武公滕元年是年秋齊靈公環卒

春王正月諸侯盟于祝柯至諸侯還自沂上盟

督揚曰大毋侵小

柯公作

信再宿

晉人執邾子左執邾悼公以其伐我故

公至自伐齊

○公至伐齊

指月諸侯原自伐齊非聖人特加之但舉重之例圍不言伐而此以伐致所謂免其圍齊之罪詞也此句要體貼只就伐上發揮不必混入同心意

取邾田自漵水

高氏註邾之病魯信有罪矣魯挾伯威執君取田不已甚乎旨定圍齊之事至此而畢浚

嘉之

也

左傳遂次于泗上疆我田取邾田自漵水歸之于我晉侯先歸公享晉六卿于蒲圃賜之三命之服軍尉司馬

司空輿尉候奄皆受一命之服賄荀偃束錦加璧乘馬先吳壽夢之鼎荀偃癘疽生瘍於頭齊河及著雍病士旬請見弗內請後曰鄭甥可二月甲寅卒而視不可合宣子盟而撫之曰事吳政不如事至猶視樂懷子曰其為未卒事

擲音巨 陽音羊

漵好統 反又音 郭

于齊故也乎乃復撫之曰王苟終所不嗣事于齊者有如河乃瞑受會宣子出曰吾淺之為丈夫也

季孫宿如晉

左傳季武子如晉拜師晉侯享之范宣子為政賦黍苗季武子與再拜稽首曰小國之仰大國也如百穀之仰

膏雨焉若常膏之其天下輯睦豈唯敝邑賦六月

葬曹成公

夏衛孫林父帥師伐齊左晉欒魴帥師從衛孫文子伐齊

附左季武子以所得于齊之兵作林鍾而銘魯功焉臧武仲謂季孫曰非禮也夫銘天子令德諸侯言時計功

大夫稱伐今稱伐則下等也計功則借人也言時則妨民多矣何以為銘且夫大伐小取其所得以作彝器銘其功烈以示子孫昭明德以懲無禮也今將借人之力以救其死若之何銘之小國幸于大國而昭所獲焉以怒之亡之道也

秋七月辛卯齊侯環卒

左傳

齊侯娶于魯曰嬭懿姬無子其姪嬭聲姬生光以為太子諸子仲子戎子嬖仲子生牙屬諸戎子戎子請以為太子許之仲子曰不可廢常不祥公曰在我而已遂東太子光使高厚傅牙以為太子夙沙衛為少傅齊侯疾崔杼微逆光立之光殺戎子尸諸朝非禮也婦人無刑雖有刑不在市朝夏五月齊靈公卒莊公即位執公子牙于句瀆之丘衛奔高唐以叛八月崔杼殺高厚于灑監而兼其室齊慶封圍高唐弗克冬齊侯圍之高唐人殖綽夜總納師臨衛于軍

晉士句帥師侵齊至穀聞齊侯卒乃還

胡傳

穀齊地也還者終事之謂古之為師不伐喪大夫以君命出境有可以安國家利社稷者則專之可也世衰道微暴行交作利人之難以成其私欲者眾矣士句乃有惻隱之心聞齊侯卒而還不亦善乎或曰君不尸小事臣不專大各為士句者宜彈帷而歸命乎介則非矣使士句未出晉境如是焉可也已至齊地則進退在士句矣猶

欲彈帷而歸命乎介則非古者命將不從中覆專制境外之意而况喪必不可伐非進退可疑而待請者故至穀聞齊侯卒乃還善之也

指月穀齊地乃境外之案只重不伐喪上專制一段只辨明止意耳收還字

八月丙辰仲孫蔑卒

齊殺其大夫高厚

鄭殺其大夫公子嘉

左鄭人使子展當國子西聽政立子產為卿

胡傳

鄭人討西宮之難與純門之師子展子西率國人殺嘉而分其室不稱鄭人者嘉則有罪矣而子展子西不能正以王法肆諸市朝乃利其室而分之有私意焉故稱國以殺而不去其官

冬葬齊靈公

城西郭

左懼齊也

環公作

嘉公作

叔孫豹會晉士甸于柯左齊及晉平盟于大隧故穆叔會范

章叔向曰肝敢不承命

城武城左穆叔歸曰齊猶未也

齊莊公光元年

春王正月辛亥仲孫速會莒人盟于向莒人盟于向督揚之

盟故也指月歸父奔傳搭此主孟莊子不改父臣

夏六月庚申公會晉侯齊侯宋公衛侯鄭伯曹伯莒子邾子

滕子薛伯杞伯小邾子盟于澶淵左齊成故也

○盟澶淵

指月借長勺傳善師者不陣本薛註齊不服于澶淵而服于士甸之還師脩德來遠豈誣也哉

秋公至自會

仲孫速帥師伐邾邾至邾人驟至以諸侯之事弟能報也秋孟邾子文取其田報亦足矣而復伐之

談已甚矣且澶淵在彼何以盟為

蔡殺其大夫公子燮蔡公子履出奔楚

胡傳按左氏初蔡文侯欲事晉曰先君與于踐土之盟晉不可棄且兄弟也畏楚不能行而卒楚人使蔡無常

公子燮求從先君以利蔡謀國之合于義者也國人乃不順焉而殺燮此何罪矣故稱國而不去其官公子履其母

弟也進不能正國退不能遠害懼禍而奔從于夷狄書者罪之也

陳侯之弟黃出奔楚左陳慶虎慶寅畏公子黃之偪愬諸楚

出奔楚將出奔呼于國曰慶氏無道求專陳國暴滅其君而去其親五年不滅是無天也指且見殺慶傳欲去其親而不能保即諳愬之于大國而不能辨謂不能辨其與司馬同謀之誣也收稱弟須知與責薄恩不同

黃公穀作光後同

叔老如齊左初聘也

冬十月丙辰朔日有食之

季孫宿如宋左報向戌之聘也

附左衛甯惠子疾名悼子曰吾得罪于君悔而無及也名藏在諸侯之策曰孫林父甯殖出其君君入則掩之若能掩之則吾子也若不能猶有鬼神吾有餒而已不來食矣悼子許諾惠子遂卒

已酉靈王二十有一年是年十一月庚子孔子生

春王正月公如晉左拜師及取祁田也

邾庶其以漆聞丘來奔

左傳邾庶其來奔季武子以公如姊妻之皆有賜於其從者於是魯多盜季孫謂臧武仲曰子盍詰盜武仲曰不可詰也絕又不能季孫曰我有四封而詰其盜何故不可子為司寇將盜是務去若之何不能武仲曰子各務盜

與之邑使食漆聞丘

而大禮焉何以止吾盜子為正辨而來外盜使絕去之將何能庶其竊邑于邾以來子以姬氏妻之而與之邑其從者皆有賜焉是賞盜也賞而去之其或難焉絕也聞之在上位者澀澀其心壹以待人軌度其信可明微也而後可以治人夫上之所為民之歸也上所不為而民或為之是以加刑罰焉而莫敢不懲若上之所為而民亦為之乃其所也交可禁乎

胡傳庶其邾大夫也春秋小國之大夫不書其姓氏微也其以事接我則書其姓氏謹之也莒慶以大夫即魯而圖昏接我不以禮者也邾庶其以地叛其君而來奔接我不以義者也以欲敗禮則身必危以利棄義則國必亂春秋禮義之大宗故小國之大夫接我以利欲則特書其姓氏謹之也漆一邑閭丘一邑而不言及者庶其之私邑所受于君而食之者也此叛臣何以不書叛書名書地而竊邑叛君之罪見矣夫棄夷狄從諸夏其慕義之心疑可與也然有據城以求援者君子猶以為不可受而况鄰國乎書來奔而魯受叛臣納其地之罪亦見矣旨定竊邑叛君之罪見矣即前段接我不以義也書法是書名書地舊作特書姓氏為書法誤蓋邾庶其原繫國竝

未嘗書姓氏也况傳亦是通論一經下面明明有書地書名書法乎不言及不言叛是辨書法不用責庶其之叛全在以地上責魯之受叛亦在納地上正所謂接我以利而魯入其利也○同人曰有以罪庶其為主罪魯帶發者然玩首段接我不以義句隱隱立兩罪之案蓋接我雖屬庶其而以利棄義則指受之者言之矣前曰見矣後曰亦見矣斷詞兩平低昂不待罪庶其曰竊邑叛君罪魯曰受叛納地各存兩犯但觀義利云云則地上差重耳若竟撤去叛與受叛一條則使庶其咨色叛君而魯安受之為逃逃主可無責乎

夏公至自晉

附左楚子庚卒楚子使鬬子馮為令尹訪于申叔豫叔豫曰國多寵而王弱國不可為也遂以疾辭方暑闕地下水而牀焉重繭衣裘鮮食而寢楚子使醫視之復曰瘠則甚矣而血氣未動乃使子南為令尹

秋晉欒盈出奔楚

指月見沙隨傳須舍逐盈

左傳欒桓子娶于范宣子生懷子范鞅以其亡也怨欒氏故與欒盈為公族大夫而不相能桓子卒欒祁與其

鮮少也子南公子追舒

桓子欒

老州實通幾亡室矣懷子患之祁懼其討也懇請宣子曰盈將為亂范鞅為之徵懷子好施士多歸之宣子畏其多士也信之懷子為下卿宣子使城著而遂逐之秋欒盈出奔楚宣子殺羊舌虎囚叔向人謂叔向曰子離于罪其為不知乎叔向曰與其死亡若何詩曰優哉游哉聊以卒歲知也樂王鮒見叔向曰吾為子講叔向弗應出不拜其人皆咎叔向叔向曰必祁大夫室老聞之曰樂王鮒言于君無不行求赦吾子吾子不許祁大夫所不能也而曰必由之何也叔向曰樂王鮒從君者也何能行祁大夫外舉不棄讐內舉不失親其獨遺我乎詩曰有覺德行四國順之夫子覺者也吾侯問叔向之罪于樂王鮒對曰不棄其親其有焉於是祁奚老矣聞之棄驥而見宣子曰詩曰惠我無疆子孫保之書曰聖有憂勳明徵定保夫謀而鮮過惠訓不倦者叔向有焉社稷之固也猶將十世存之以勸能者今壹不免其身以棄社稷不亦惑乎鯀殛而禹興伊尹放大甲而相之卒無怨色管蔡為戮周公右玉若之何其以虎也棄社稷子為善誰敢不勉多殺何為宣子說與之乘以言諸公而免之不見叔向而歸叔向亦不告免焉而朝初叔向之母妬叔虎之母羨而不使其子皆諫其母其母曰溪山大澤實生龍蛇彼美余懼其生龍蛇以禍女女

逸書墓音謀謀也

敵族也國多大寵不仁人間之不亦難乎余何愛焉使往視寢生叔虎美而有勇方樂懷子嬖之故羊舌氏之族及難於

九月庚戌朔日有食之

冬十月庚辰朔日有食之

曹伯來朝

公會晉侯齊侯宋公衛侯鄭伯曹伯莒子邾子于商任

左傳

錮樂氏也知起中行喜州綽邢蒯出奔齊皆樂氏之黨也齊莊公朝指殖綽郭釁曰是寡人之雄也州綽

曰君以為雄誰敢不雄然臣不敏半陰之從先三子嗚莊公為勇爵殖綽郭釁欲與焉州綽曰東門之役臣左驂廷還于門中識其枚斲其亦可以與於此乎公曰子為晉君也對曰臣為隸薪然二子者警于禽獸臣食其肉而寢處其皮

矣

庚戌靈王二十有二年

春王正月公至自會

夏四月

附左

夏晉人徵朝于鄭鄭人使少正公孫僑對曰在晉先君悼公九年我寡君於是即位即位八月而我先大

夫子驅從寡君以朝於執事執事不禮於寡君寡君懼因是行也我二年六月朝于楚晉是以有戲之役楚人猶競而申禮于敝邑敝邑欲從執事而擢為大尤曰晉其謂我不共有禮是以不敢攜貳于楚我四年三月先大夫子驥又從寡君以觀釁于楚晉於是乎有蕭魚之役謂我敝邑邇在晉國譬諸草木吾臭味也而何敢差池楚亦不競寡君盡其土實重之以宗器以受齊盟遂帥群臣隨于執事以會歲終貳于楚者子侯石孟歸而討之溴梁之明年子驥老矣公孫夏從寡君以朝于君見於嘗耐與執燔焉間二年聞君將靖東夏四月文朝以聽事期不朝之間無歲不聘無役不從以大國政冷之無常國家罷病不虞荐至無日不惕豈敢忘職大國若安定之其朝夕在庭何辱命

耐音紂酒之新為耐者

焉若不恤其患而以爲口實其無乃不堪任命而翦爲
仇讎敵邑是懼其敢忘君命委諸執事執事實重圖之

秋七月辛酉叔老卒

附左秋樂盈自楚適齊○九月鄭公孫黑肱有廢疾歸邑
以少牢足以其祀盡歸其餘邑曰吾聞之生于亂世貴而
能貧民無求焉可以後亡敬共事君與二三子生在敬戒
不在富也伯張卒君子曰善戒詩曰
敬爾侯度用戒不虞鄭子張其有焉

冬公會晉侯齊侯宋公衛侯鄭伯曹伯莒子邾子薛伯杞伯

小邾子于沙隨

左傳復錮欒氏也欒盈猶在齊晏子曰
禍將作矣齊將伐晉不可以不懼

胡傳按左氏會于商任錮欒氏也會于沙隨復錮欒氏也
其田邑使人導之出疆又先之於其所往勅五典厚人倫
也晉不念欒氏世勲而逐盈又將搏執之而命諸侯無

四時祀
以三羊
三年盛
祭以羊
豕殷盛
也

邾子下
公穀有
滕子

得納焉則亦過也楚逐申公巫臣子反請以重幣錮之楚
子曰止彼若能利國家雖重幣晉將可乎若無益于晉晉
將棄之何勞錮焉其賢
于商任沙隨之謀遠矣
指月只不當錮一意巫臣
一段是舉楚子以愧晉
合城把錮臣而忘世勲念母而忘世業楚其平王分証

公至自會

楚殺其大夫公子追舒

辛亥靈王二十二年

春王二月癸酉朔日有食之

三月乙巳杞伯句卒

夏邾界我來奔

界我來
其之黨

葬祀孝公

陳殺其大夫慶虎及慶寅

胡傳 按左氏楚屈建圍陳殺二慶夫人君擅一國之利勢使權臣暴滅其身而不能遠欲去其親而不能保諸一愬之于大國而不能辨至因夷狄之力然後能克則非君人之道也故二慶之死稱國以殺公子黃之出特以弟書者畿歸陳侯也凡此皆春秋端木之意

陳侯之弟黃自楚歸于陳

指月借殺慶傳然後能克句

晉樂盈復入于晉入于曲沃

左傳 晉將嫁女于吳齊侯使折歸父媵之以蒲載樂盈及其士納諸曲沃樂盈夜見胥午而告之許諾伏之而為之死猶不死也皆歎有泣者辭行又言皆曰得王何或入絳初樂盈佐魏莊子于下軍獻子私焉故因之樂王鮒

侍坐于范宣子或告曰樂氏至矣宣子懼桓子曰奉君以走固宮必無害也且樂氏多怨子為政樂氏自外子在位其利多矣既有利權又執民柄將何懼焉樂氏所得其唯魏氏乎而河強取也夫克亂在權子無懈矣公有姻喪玉

鞅使宣子墨線冒經二婦人葦以如公奉公以如固宮范鞅逆魏符則成列既乘將逆樂氏矣趨進曰樂氏帥賊以入鞅之父與二三子在君所矣使鞅逆吾子鞅請驟乘持帶遂趨乘右撫劍左援帶命驅之出僕請鞅曰之公宣子逆諸階執其手賂之以曲沃初斐豹隸也著于丹書樂氏之力臣曰督戎國人懼之斐豹謂宣子曰苟焚丹書我殺督戎宣子喜曰而殺之所不請于君焚丹書者有如此乃出豹而閉之督戎從之踰隱而待之督戎踰入豹自後擊而殺之范氏之徒在臺後樂氏乘公門宣子謂鞅曰矢及君屋死之鞅用劍以帥卒樂氏退攝車從之樂盈奔曲沃

晉人圍之

胡傳 樂氏晉室之世臣故盈雖出奔猶繫于晉復入者甚逆之詞為其既絕而復入也曲沃者所食之地當是時權寵之臣各以利誘其下使為之用若非天棄樂氏又有范鞅之謀晉亦殆矣原其失在于錮之甚惡使無所容

于天地之間。是以至此。極春秋備書之以見人而不仁疾之已甚。亂也。為後世鑒。指月以盈逆提。起倒晉君上。

秋齊侯伐衛遂伐晉 至夷儀傳報

左傳 齊侯伐衛自衛將遂伐晉晏平仲曰君恃勇力以伐盟至若不濟國之福也不德而有功憂必及君崔杼諫曰不可臣聞之小國間大國之敗而毀焉必受其咎君其圖之弗聽遂伐晉取朝歌為二隊入孟門登大行張武軍于焚庭成郟郟封少水以報平陰之役乃還趙勝帥東陽之師以追之獲晏釐

八月叔孫豹帥師救晉次于雍榆

救晉次雍榆

指月見救那傳救而不速救者則書所次以罪其慢夫凡救皆當勇往况盟主乎

已卯仲孫速卒

左傳 季武子無適子公彌長而愛悼子欲立之訪于申豐曰彌與紇吾皆愛之欲擇才焉而立之申豐趨退歸盡室將行他日又訪焉對曰其然將具敝車而行乃止訪于臧紇臧紇曰飲我酒吾為子立之季氏飲大夫酒臧紇為容既賦臧孫命北而重席新樽絜之名悼子降逆之大夫皆起及旅而召公鉏使與之齒季孫失色季氏以公鉏為馬正愠而不出閔子馬見之曰子無然禍福無門惟人所召為人子者患不孝不悝無所敬其父命何常之有若能孝敬富倍季氏可也奸回不軌禍倍下民可也公鉏然之敬共朝夕恪居官次季孫喜使飲已酒而以具往盡舍旃故公鉏氏富又出為公左宰孟孫惡臧孫季孫愛之孟氏之御騶豐豐好渴也孟莊子疾豐豐謂公鉏苟立渴請讐臧氏公鉏謂季孫曰孺子秩固其所也若立渴則季氏信有力于臧氏矣弗聽已卯孟孫卒公鉏奉羯立于戶側季孫至入哭而出曰秩焉在公鉏曰羯在此矣季孫曰孺子長公鉏曰何長之有唯其才也且夫子之命也遂立羯秩奔邾臧孫入哭甚哀多涕出其御曰孟孫之惡子也而哀如是季孫若死其若之何臧孫曰季孫之愛我疾疾也孟孫之惡我藥石也美疾不如惡石夫石猶生我疾之美其毒滋多孟孫死吾亡無日矣

郟郟晉 邑封晉 尸于少 水以為 京觀 力之反 榆公穀 作榆

公彌 公鉏 子紇也 酒樽既 新復絜 潔之所 以示異 獻酬既 畢而通 行為旅 使與之 齒使從 孟子之 禮列悼 子下 羯音歇 子孝伯 也

冬十月乙亥臧孫紇出奔邾語可據作題不妨

左傳孟氏閉門告于季孫曰臧氏將為亂不使我尋季孫

孫使正夫助之除于東門甲從已而視之孟氏又告季孫

季孫怒命攻臧氏乙亥臧紇斬鹿門之關以出奔邾初臧

宣叔娶于鑄生賈及為而死繼室以其姪穆姜之姨子也

仲自邾使告臧賈且致大蔡焉曰紇不佞失守宗祧敢告

不弔紇之罪不及不祀子以大蔡納請其可賈曰是家之

禍也非子之過也賈聞命矣再拜受龜使為以納請遂自

為也臧孫如防使來告曰紇非能害也知不足也非敢私

請苟守先祀無廢二勳敢不辟邑乃立臧為臧紇致防而

奔齊其人曰其盟我乎臧孫曰無辭將盟臧氏季孫召外

史掌惡臣而問盟首焉對曰盟東門氏也曰母或如東門

遂不聽公命殺適立庶盟叔孫氏也曰母或如叔孫僑如

欲廢國常蕩覆公室季孫曰臧孫之娶自不及此孟椒曰

盍以其犯門斬關季孫用之乃盟臧氏曰母或如臧孫繼

于國之紀犯門斬關臧孫聞之

曰國存人焉誰居其孟椒乎

晉人殺欒盈左晉人克欒盈于曲沃盡殺欒氏之族黨欒魴出奔宋

齊侯襲莒

葉莒

霜月見鄭人伐衛傳輕行而掩之日襲只解襲字不必斷罪

附左齊侯將與臧紇田臧孫聞之見齊侯與之言伐晉對

畏人故也今君聞晉之亂而後作焉寧將事之非鼠如何

乃弗與田仲尼曰知之難也有臧武仲之知而不容于魯

國抑有由也作不順而施不怨也

王子靈王二十有四年 杞文公益姑元年

春叔孫豹如晉

左傳穆叔如晉范宣子逆之間焉曰古人有言曰死而不朽何謂也穆叔未對宣子曰昔句之祖自虞以上為

春秋左傳卷二十一

十三

陶唐氏在夏為御龍氏在商為豕韋氏在周為唐杜氏晉
主夏盟為范氏其是之謂乎穆叔曰以豹所聞此之謂世
祿非不朽也魯有先大夫曰臧文仲既沒其言立其是之
謂乎豹聞之太上有立德其次有立功其次有立言雖久
不廢此之謂不朽若夫保姓受氏以守宗祧
世不絕祀無國無之祿之大者不可謂不朽

○豹如晉

借澶淵傳穆叔之賢
以其有論不朽語也

附左

范宣子為政諸侯之幣重鄭人病之二月鄭伯如晉
子產寓書於子西以告宣子曰子為晉國四鄰諸侯
不聞令德而聞重幣倚也或之僑聞長國家者非無窮之
患而無令名之難夫諸侯之歸聚于公室則諸侯或若吾
子賴之則晉國或若或則晉國壞晉國或則子之家壞
何沒沒也將焉用時夫令名德之與也德國家之基也有
基無壞無亦是務乎有德則樂樂則能久詩云樂只君子
邦家之基有令德也夫上帝臨女無貳爾心有令名也夫
怨思以明德則令名載而行心是以遠至邇安毋寧使人
謂子子實生我而謂子沒我以生乎象有齒以焚其身
賤取也

也宣子說

乃輕幣

仲孫羯帥師侵齊

左孟孝伯侵齊晉故也

夏楚子伐吳

左楚子為舟師以伐吳不為軍政無功而還

秋七月甲子朔日有食之既

齊崔杼帥師伐莒

左傳齊侯既伐晉而懼將欲見楚子楚子使遠啓疆如齊
聘且請期齊社蒐軍實使客觀之陳文子曰齊將有
寇吾聞之兵不戢必取其族秋齊侯聞將有晉師使陳無
宇從遠啓疆如楚辭且乞師崔杼帥師送之遂伐莒侵介
標

族類也

大水

八月癸巳朔日有食之

公會晉侯宋公衛侯鄭伯曹伯莒子邾子滕子薛伯杞伯小邾子于夷儀

夷儀公作陳儀後同

冬楚子蔡侯陳侯許男伐鄭

左傳楚子伐鄭以救齊門于東門次于棘澤諸侯還救鄭

晉侯使張幣輔躒致楚師求御于鄭鄭人十宛射大
吉子大叔戒之曰大國之人不可與也對曰無有眾寡其
上一也大叔曰不然部婁無松栢二子在幄坐射犬于外
既食而後食之使御廣車而行已皆乘乘車將及楚師而
後從之乘皆踞轉而鼓琴近不告而馳之皆取胄于蔡而
胄入壘皆下搏火以投收禽挾囚弗待而出皆超乘抽弓
而射既免復踞轉而鼓琴曰公孫向乘兄弟也胡再不謀
對曰曩者志入而亡今則法也皆
笑曰公孫之亟也楚子自棘澤還

○楚蔡陳許伐鄭

棘澤

指月孟蕭魚傳推誠之效蕭魚之後楚兵再至鄭而無功則悼公之餘澤也本大全李註

公至自會

陳鍼宜咎出奔楚

叔孫豹如京師勝且賀城王嘉其有禮也賜之大路

大饑

胡傳是年秋有沴之災而冬大饑蓋所以

指月就臨時救災說

癸丑靈王二十有五年是年夏齊莊公光統冬吳子諸樊卒

春齊崔杼帥師伐我北鄙

左傳以報孝伯之師也公患之使告于晉孟公綽曰崔子

民不嚴異于他日齊師徒歸

不待二子而歸

邾音夷王城也於豈穀洛闕毀王宮齊叛晉欲求婚大子故為王城之

夏五月乙亥齊崔杼弑其君光

左傳齊棠公之妻東郭偃之姊也東郭偃臣崔武子棠公使偃為死偃御武子以弔焉見棠姜而美之使偃取之偃曰男女辨姓今君出自下臣出自桓不可武子筮之過困之大過史皆曰吉示陳文子文子曰夫從風風隕妻不可娶也崔子曰蔡也何害先夫當之矣遂取之莊公通焉驟如崔氏以崔子之冠賜人侍者曰不可公曰不為崔子其無冠乎崔子因是又以其間伐晉也白晉必將報欲弑公以說于晉而不獲間公鞭侍人賈舉而又近之乃為崔子間公夏五月莒為且于之役故莒子朝于齊甲戌饗諸北郭崔子稱疾不視事乙亥公問崔子遂從姜氏姜入于室與崔子自側戶出公拊楹而歌侍人賈舉止衆從者而衣閉門申與公登臺而請弗許請盟弗許請自刃于廟弗許皆目君之臣杼疾病不能聽命近于公宮陪臣于振存淫者不知二命公踰牆又射之中股反隊遂弑之賈舉州綽郕師公孫敖封具鐸父襄伊婁堙皆死晏子立于崔氏之門外其人曰死乎曰獨吾君也乎哉吾死也曰行乎曰吾罪也乎哉吾亡也曰歸乎曰君死安歸君民者豈以陵民社稷是王臣君者豈為其口實社稷是養故君為社稷死則

公會晉侯宋公衛侯鄭伯曹伯莒子邾子滕子薛伯杞伯小邾子于夷儀

左傳晉侯濟自泮會于夷儀伐齊以報朝歌之役齊人以宗器樂器自六正五吏三十帥三軍之大夫百官之正長師旅及處守者皆有賂晉侯許之使叔向告于諸侯公使子服惠伯對曰君舍有罪以靖小國君之惠也寡君聞命矣

胡傳 晉本為報朝歌之役來討及會夷儀既聞崔杼之弑職則宜下令三軍建而復施聲于齊人問莊公之故執崔杼以戮之謀于齊眾置君以定其國示天討之義則亦伯連帥之職脩矣今乃知賊不討而受其賂則是與之同情也故春秋治之如下文所貶云

霜月以伯玉而至于見伐而報業已衰矣既聞崔杼之弑便是絕好一個機會脩方伯連帥之職正在此時却為區區之路與之同情深為可恨全重脩職上與之同情正挑剔下同字意須發透收如下文所貶

合會平丘皆有如下文所貶句上縱惡下脅貳 合相舉責棄義進從義晉本為朝歌吳本懷謀楚

六月壬子鄭公孫舍之帥師入陳

左傳 初陳侯會楚子伐鄭當陳隨者并埋木升鄭人怨之六月鄭子展子產帥車七百乘伐陳宵突陳城遂入之陳侯快其太子偃師奔墓子展命師無入公宮與子產親御諸門陳侯使司馬桓子賂以宗器陳侯免擁社使其眾男女別而繫以待于朝子展執葉而見再拜稽首承飲而進獻子美入數俘而出祝社司徒致民司馬致節司

隧徑也

免肯問喪服擁社抱社至示服

空致地乃還

舍之入陳

指月借忽奔傳與夏伐陳同馳詞事雖載伐陳而所獻則入陳之捷也

舍之人陳

夏伐陳

御門數俘處弱有禮馳詞當晉處強有禮

俱歸美子產

秋八月己巳諸侯同盟于重丘

左齊成故也

胡傳

崔杼既殺其君矣晉侯受其賂而許之成故盟于重丘特書曰同

公至自會

衛侯入于夷儀

胡傳 鄭伯突入于櫟衛侯入于夷儀其入則一或名或不名者鄭伯奪正以立而國人君之諸侯助之不知其義不可以有國也故特書其名著王法以絕之衛侯蔑其家卿失國出奔固不為無罪矣然有世叔儀以宋有母弟

縛以出或撫其內或營其外有歸道焉則其義猶未絕也
故止書其辭而不名及甯喜弑剽復歸于衛然後書各此
聖人俟其改過遷善不輕絕人之意

臨曰撫內營外與國人君諸侯助不同國人君諸侯助是
硬把氣力來使曰撫曰營便是賢臣夾輔當困衡時有賢
臣相助正是遷善改過大機括此義猶未絕全重有遷改
之機上不但是罪不比突已也玩及甯喜云云然後書各可
見不遠不改聖人便絕之矣

楚屈建帥師滅舒鳩

冬鄭公孫夏帥師伐陳

左傳鄭于產獻捷于晉我服將事晉人問陳之罪對曰昔
虞關父為周陶正以服事我先王我先王賴其种器
用也與其神明之後也庸以元女大姬配胡公而封諸陳
以備三恪則我周之自出至于今是賴桓公之亂蔡人欲
立其出我先君莊公奉五父而立之蔡人殺之我又與蔡
人奉戴厲公至于莊宣皆我之自立夏氏之亂成公播蕩

夏公在 關首 胡公關 父子 莊宣皆

又我之自入君所知也今陳忘周之大德蔑我大惠棄我
姻親介恃楚衆以馮陵我敝邑不可億逞我是以有往年
之告未獲成命則有我東門之役當陳隧者并埋木形敝
邑大懼不說而時大姬夫誘其衷啓敝邑心陳知其罪授
手于我而敢獻功晉人曰何故侵小對曰先王之命唯罪
所任各致其辟且昔天子之地一圻列國一同自是以衰
今大國多數圻矣昔無侵小何以至焉晉人曰何故我服
對曰我先君武莊為平桓卿上城濮之役文公布命曰各
復舊職命我文公戎服輔玉以授楚捷不敢廢王命故也
士莊伯不能諱復于趙文子文子曰其辭順犯順不祥乃
受之冬子西復伐陳陳及鄭平仲尼曰志有之言以足志
文以足言不言誰知其志言之無文行而不遠晉為伯鄭
入陳非文辭不為功慎辭哉鄭伯賞入陳之功享子展賜
之先路三命之服先入邑賜子產次路再命之服先六邑
子產辭邑曰自上以下降殺以兩禮也臣之位在四且子
展之功也臣不敢及賞禮請辭邑公固予之乃受三邑公
孫揮曰子產其將知政矣讓不失禮○晉程鄭卒子產始
知然明問為政焉對曰視民如子見不仁者誅之如鷹鷂
之逐鳥雀也子產喜以語子大叔且曰他日吾見蔑之面
而已今吾見其心矣子大叔問政于子產子產曰政如農

厲公子 億度逞 盡也 衰音崔 降也 前年然 明謂程 鄭將死 今如其 言故知

功日夜思之思其始而成其終朝夕而行之行無越思如農之有畔其過鮮矣

夏伐陳

旨定子忽奔傳重不藉援上見得自亦馳詞執禮只作事寔獻捷是獻入陳之捷此伐陳在獻捷後入陳未得成故復伐之

十有二月吳子遏伐楚門于巢

左傳 吳子諸樊伐楚以報舟師之役門于巢巢牛臣曰吳王勇而輕若啓之將親門我獲射之必殪是君也死疆其少安從之吳子門焉

牛臣隱于短墻以射之卒

附左 衛獻公自夷儀使與甯喜言甯喜許之大夫叔文子聞之曰嗚呼詩所謂我躬不說皇恤我後者甯子可謂不恤其後矣君子之行思其終也思其復也今甯子視君不如奕棋其何以免乎奕者舉棋不定不勝其耦而况置君而弗定乎必不免矣九世之

卿族一舉而滅之可哀也哉

甲寅靈王二十有六年 齊景公杵臼元年 吳子餘祭元年是二十五年 年春衛虜公剽弒

春王二月辛卯衛甯喜弒其君剽

左傳 衛獻公使子鮮為復辭被剽強命之對曰君無信臣懼不免敬奴曰雖然以吾故也許諾初獻公使與甯喜言甯喜曰必子鮮在不然必敗故公使子鮮子鮮不獲命于敬奴以公命與甯喜言曰苟反政由甯氏祭則寡人甯喜告遺伯玉伯玉曰我不得聞君之出敢聞其入遂行從近闕出告右宰穀右宰穀曰不可獲罪于兩君天下誰高之悼子曰吾受命于先人不可以貳穀曰吾請使焉而觀之遂見公于夷儀反曰君淹恤在外十二年矣而無憂色亦無寬言猶夫入也若不已死無日矣悼子曰子鮮在右宰穀曰何益多而能亡于我何為悼子曰雖然不可以已孫文子在戚孫嘉聘于齊孫襄居守二月庚寅甯喜右宰穀伐孫氏不克伯國傷甯子出舍于郊伯國死孫氏夜

哭國人召甯子甯子復攻孫氏

克之幸邾殺子叔及大子角

衛孫林父入于戚以叛

以叛君不臣甚矣

孫林父入于戚以叛

孫林父入于戚以叛

孫林父入于戚以叛

孫林父入于戚以叛

孫林父入于戚以叛

孫林父入于戚以叛

孫林父入于戚以叛

之然明名虜

還公穀作謁

伯國孫襄字襄嘉俱文子子

甲午衛侯衎復歸于衛左衛侯入大夫逆于竟者執其手而

而巳

胡傳按左氏孫林父以戚如晉書曰入于戚以叛者若其

也衛侯出奔齊入于夷儀皆以爵稱今既復歸而得國矣乃善其各何也人之有德慧術知者常存乎疾疾衛侯淹恤在外十有二年困于心衡於慮久矣此生于憂患之時而一旦得國失信無刑猶夫人也則是困而弗革雖復得國猶非其國也此見春秋侯人改過之深而責人自棄之重欲其強于為善之意也

皆月失信無刑總在彼喜止見衎之不能改過蓋衎向日之過正在茂家卿今復歸國文殺執政依舊放出茂家卿的手段來十二年淹恤在外憂無善狀故曰自棄要發欲人自強為善意

合略十年六年公如晉上困之久下困之甚皆自棄合歸益造惡不悛去惡不積

夏晉侯使荀吳來聘

左傳衛人侵戚東歸孫氏愬于晉晉成茅氏殖綽伐茅氏

遂從衛師敗之屈雍鉏獲殖綽復愬于晉晉人為孫氏故名諸侯將以討衛也夏中行穆子來聘名公也

附左楚子秦人侵吳及雩婁聞吳有備而還遂侵鄭五月

至干城麇鄭皇頡戌之出與楚師戰敗穿封戌囚皇

頡公子圍與之爭之正於伯州犁伯州犁曰請問于囚乃

立囚伯州犁曰所爭君子也其何不知上其手曰夫予為

玉子屈寡君之貴介弟也下其手曰此予為穿封戌逐王

外之縣尹也誰獲予囚曰頡遇王子弱焉戌怒抽戈逐王

子圍弗及楚人以皇頡歸印莖父與皇頡戌城麇楚人囚

之以獻于秦鄭人取貨于抑氏以請之于產曰弗獲受楚

之助而取貨于鄭不可請國秦其不然若曰拜君之勤鄭

國微君之惠楚師其猶在敝邑之城下其可弗從遂行秦

人不示更幣從子產而後獲之

公會晉人鄭良霄宋人曹人于澶淵

旨定罪林父叛君而晉人黨之

左傳六月公會晉趙武宋向戌鄭良霄曹人于澶淵以討

衛疆戚田取衛西部懿氏六十以與孫氏於是衛侯

春秋左傳卷二十二

三十一

晉之晉人執甯喜衛侯如晉晉人執而囚之于士弱氏秋
七月齊侯鄭伯為衛侯故如晉幽子使晏平仲私于叔向
曰晉君宜其明德于諸侯恤其患而補其闕正其違而治
其煩所以為盟主也今為臣執君若之何叔向告趙文子
文子以告晉侯晉侯言衛侯之罪使叔向告二君國
子賦轡之柔矣子展賦將仲子兮晉侯乃許歸衛侯

秋宋公殺其世子痤

左傳初宋芮司徒生女子赤而毛棄諸堤下其姬之妾取
以入名之曰棄長而美平公入夕其姬與之食公見
弃也而視之尤姬納諸御嬖生佐惡而嬖大子痤美而狠
合左師畏而惡之寺人惠墻伊戾為大子內師而無寵秋
楚客聘于晉過宋大子知之請野亭之公使往伊戾請從
之公曰夫不惡女乎對曰小人之事君子也惡之不敢遠
好之不敏近故以待命敢有貳心遣之至則欲用特加書
徵之而騁告公曰大子將為亂既與楚客盟魯公曰為我
子又何求對曰欲速公使視之則信有焉聞諸夫人與左
師則皆曰固聞之公囚大子大子曰唯佐也能免我名而
使請曰日中不來吾知死矣左師聞之聽而與之語過期
乃縊而死佐為太子公徐聞其無罪也乃享伊戾左師鬼

轡之柔 矣逸詩 義取寬 以安 諸侯將 仲子鄭 風義取 采言可 畏 平公共 姬子惡 美謂貌 嫉狠謂 心惠牆 寺人姓 伊戾其 名也

夫人之步馬者問之對曰君夫人氏也左師曰誰為君夫
人余胡弗知聞人歸以告夫人夫人使饋之錦與馬先之
以玉曰君之妾棄使某獻左師改
命曰君夫人而後再拜稽首受之

晉人執衛甯喜

附左初楚伍參與蔡大帥子朝友其子伍舉與聶子相善
舉實送之伍舉奔鄭將遂奔晉聶子將如晉遇之于鄭郊
班荆相與食而言復發聶子曰子行也吾必復子及宋向
戌將平晉楚聶子通使于晉還如楚令尹子木與之語問
晉故焉且曰晉大夫與楚孰賢對曰晉卿不如楚其大夫
則賢皆卿林也如杞梓皮革自楚往也雖楚有材晉實用
之乎木曰夫獨無族如乎對曰雖有而用楚材實多歸生
問之善為國者賞不僭而刑不濫賞僭則懼及淫人刑濫
則懼及善人若不幸而過寧僭無濫與其失善寧其利淫
無善人則國從之詩曰人之云亡邦國殄瘁無善人之謂
也故夏書曰與其殺不辜寧失不經懼失善也商頌有之
曰不僭不濫不敢怠皇命于下國封建厥福此湯所以獲
天福也古之治民者勸賞而畏刑恤民不倦賞以春夏刑

聶子于 明子

以秋冬是以將賞為之加膳加膳則飫賜此以知其勸善也將刑為之不舉不舉則徹樂此以知其畏刑也今楚多淫刑其大夫逃死于四方而為之謀主以害楚國不可救療所謂不能也子儀之亂析公奔晉晉人實諸戎車之殿以為謀主繞角之役晉將遁矣析公曰楚師輕窳易震蕩也者多鼓鈞聲以夜軍之楚師必遁晉人從之楚師宵潰晉遂侵蔡襲沈獲其君敗申息之師于桑隧獲申麇而還鄭於是不敢南面楚失華夏則析公之為也雍子之父兄蓄雍子君與大夫不善是也雍子奔晉晉人與之部以為謙主彭城之役晉楚退于靡角之谷晉將遁矣雍子發命于軍曰歸老幼反孤疾二人後歸一人簡兵蒐乘秣馬辱食師陳焚矣明日將戰行歸者而逸楚囚楚師宵潰晉降彭城而歸諸宋以魚石歸楚失東夷子辛死之則雍子之為也子反與子靈爭夏姬而害其事子靈奔晉晉人與之刑以為謀主并禦北狄通吳于晉教吳叛楚教之乘車射御驅使使其子狐庸為吳行人焉吳于是伐巢取駕克棘入州來楚罷于奔命至今為患則子靈之為也名敖之亂伯賁之子賁皇奔晉晉人與之許以為謀主鄢陵之役楚晨壓晉軍而陳晉將遁矣苗賁皇曰楚師之良在其中軍王族而已昔塞井夷竈成陳以當之樂范易行以誘之

死音挑鈞同其声也

次舍也

賁音文

易行謂簡易兵

中行二郤必克二穆吾乃四萃于其王族必大敗之晉人從之楚師大敗王夷師燔子反死之鄭叛吳與楚失諸侯則苗賁皇之為也子木曰是皆然矣聲子曰今又有甚于此椒舉娶于申公子牟子牟得展而亡君大夫謂椒舉女實遣之懼而奔鄭引領南望曰庶幾赦余亦弗圖也今在晉矣晉人將與之縣以此叔向彼若謀害楚國豈不為患子木懼言諸王益其祿爵而復之聲子使椒鳴逆之

備令楚食已不復二穆之兵夷傷也楚音尖吳楚之間謂火滅為燔

八月壬午許男甯卒于楚

冬楚子蔡侯陳侯伐鄭

左傳許靈公如楚請伐鄭白師不興孤不歸矣八月卒于楚楚子曰不伐鄭何以求諸侯冬十月楚子伐鄭鄭人將禦之子產曰晉楚將平諸侯將和楚王是故昧于一來不如使還而歸乃易成也夫小人之性繫于勇裔于禍以足其性而求名焉者非國家之利也若何從之子展說不禦寇十二月入南里墮其城涉于樂氏門于師之梁縣門發獲九人焉涉于汜而歸而後葬許靈公

卷之二十一 三十一

春秋指掌卷之二十三
○楚蔡陳伐鄭 汜上 比二十四年許男

捐月飛兵三至鄭而無功亦玉蕭魚傳

葬許靈公

春秋指掌卷之二十三

襄公下

已卯靈王二十有七年

春齊侯使慶封來聘

左傳

齊慶封來聘其車美孟孫謂叔孫曰慶季之車不亦美乎叔孫曰豹聞之服美不稱必以惡終美車何為叔孫與慶封食不敬為賦相鼠亦不知也

夏叔孫豹會晉趙武楚屈建蔡公孫歸生衛石惡陳孔奐鄭

奐公作 瓌後同

宜興 儲 欣同人 撰輯

建平呂 泰天倪參閱

良霄許人曹人于宋

指且善法不如守信之明事是不如素防之的并用盟宋會魏二傳

左傳

宋向戌善于趙文子文善于令尹子木欲弭許侯之兵民之殘也財用之盡小國之大菑也將或弭之雖曰不可必將許之弗許楚將許之以名諸侯則我失為盟主矣晉人許之如楚楚亦許之如齊齊人難之陳文子曰晉楚許之我焉得已且人曰弭兵而我弗許則固攜吾民矣將焉用之齊人許之告于秦秦亦許之皆告于小國為會于宋子木謂向戌請晉楚之從交相見也向戌復于趙孟趙孟曰晉楚齊秦匹也晉之不能于齊猶楚之不能于秦也楚君若能使秦君辱于敝邑寡君敢不固請于齊左師復請于子木子木使驛謁諸王王曰釋齊秦他國諸相見也秋七月戊寅趙孟及子替盟以齊晉以藩為軍晉楚各處其偏伯夙謂趙孟曰楚氛甚惡懼難趙孟曰吾左還入于宋若我何

衛殺其大夫甯喜

衛侯之弟鱣出奔晉

胡傳

衛侯之人使鱣與甯喜約言既殺甯喜鱣病失言遂出奔晉託于木門不鄉衛國而坐木門大夫勸之仕不可曰仕而廢其事罪也從之昭吾所以出也將誰愆乎吾不可以立子人之朝矣終身不仕其稱弟罪衛侯也穀梁子曰鱣之去合乎春秋

旨定以鱣之去合乎春秋提明歸罪衛侯上鱣重信誰令其失信只擒此意微則子鱣罪行不作兩項矣

鱣奔

札聘

在子木門終身不仕去之延陵終身不入

去國全信辭國生亂

合乎春秋過乎中庸

秋七月辛巳豹及諸侯之大夫盟于宋

左傳

將盟于宋西門之外楚人衷甲伯州犂曰諸侯望信于楚是以來服若不信是棄其所以服諸侯也固請釋甲子木曰晉楚無信久矣事利而已苟得志焉焉有用有信太宰退而告人曰令尹將死矣不及三年趙孟患楚衷甲以告叔向叔向日何害也匹夫一為不信猶不可單弊其死若合諸侯之卿以為不信必不捷矣食言者不病非

子之患也夫以信台人而以僭濟之必莫之與也安能害我且我因宋以守病則夫能致死與宋致死雖倍楚可也子何懼焉又不汲是曰弭兵以名諸侯而稱兵以害我吾庸多矣非所患也乃盟晉楚爭先晉人曰晉固為諸侯盟主未有先晉者也楚人曰子言晉楚匹也若晉常先是楚弱也且晉楚狎主諸侯之盟也久矣豈專在晉叔向謂趙孟曰諸侯歸晉之德只非歸其尸盟也子務德無事先且諸侯盟小國固必有尸盟者楚為晉細不亦可乎乃先楚人主午宋公兼享晉楚之大夫趙孟為客子木與之言弗能對使叔向侍言焉子木亦不能對也乙酉宋公及諸侯之大夫盟于蒙門之外子木問于趙孟曰范武子之德何如對曰夫子之家事治言于晉國無隱情其視史陳信于鬼神無愧詞子木歸以語王王曰向矣哉能欲神人宜其光輔五君以為盟主也子木又語于曰宜晉之伯也有叔向以佐其卿楚無以當之鄭伯享趙孟于垂隴子展伯有子西子產子太叔二子石從趙孟曰子從君以罷武也請皆賦以卒君既武亦以觀七子之志子展賦草蟲趙孟曰善哉民之主也抑武也不足以當之伯有賦鶉之賁賁趙孟曰賦豈蒞之四章趙孟曰寡君在武何能焉子產賦隰

狎更也
小國主
辨具

二子石
即段公
係段
策側也
反賁也

桑趙孟曰武請受其卒章子太叔賦野有蔓草趙孟曰吾子之患也即段賦蟋蟀趙孟曰善哉保家之主也吾有黎矣公孫段賦桑扈趙孟曰匪交匪敖福將焉往若保是言也欲辭福祿得于卒享文子告叔向曰伯有將為戮矣詩以言志志極其上而公怨之以為爵榮其能久乎幸而後亡叔向曰已後所謂不及五稔者文子曰其餘皆數世之主也子展其後亡者也在上不忌降即氏其次也樂而不荒樂以安民不淫以使之後亡不亦可乎宋左師請賈曰請免死之邑公與之邑六十以示子罕子罕曰凡諸侯小國晉楚所以兵威之畏而後上下慈和慈和而後能安靖其國家以事大國所以存也無威則驕驕則亂亂生必滅所以亡也天生五材民並用之廢一不可誰能去其兵之設久矣所以威不軌而昭文德也聖人以興亂人以廢廢興存亡昏明之術皆兵之由也而子求去之不亦誣乎以誣道蔽諸侯罪莫大焉縱無大討而求賞無厭之甚也削而投之左師辭邑

胡傳 此一地也曷為再言宋書之重詞之複其中必有大美惡焉宋之盟合左師欲弭諸侯之兵以為各而楚屈建請晉楚之從交相見自是中國諸侯南向而朝楚及申之會蠻夷之君篡弒之賊大台十有一國之眾而用齊

桓名陵之禮宋左師鄭子產皆獻禮焉宋世子佐以後至
遂辭而不見伐吳滅賴無敢違者聖人至是哀人倫之滅
傷中國之衰而其事自宋之盟始也

故會盟同地而再言宋者貶之也
指月弭兵是盟的緣故其禍專在交見蓋當時楚不得大
逞者惟是諸侯未屬宇下今既交見業與彼共之彼何施
而不可曰宋之盟始此句極
重概貶諸侯大夫不專趙武

附左齊崔杼生成及疆而寡娶東郭姜生明東郭姜以孤
入曰棠無咎與東郭偃相崔氏崔成有疾而廢之而
立明成請老于崔崔子許之偃與無咎弗予曰崔宗邑也
必在宗王成與疆怒殺東郭偃棠無咎于崔氏之朝崔子
怒而出遂見慶封慶封曰請為子討之使盧蒲嬰帥甲以
攻崔氏崔氏壞其宮而守之弗克使國人助之遂滅崔氏
殺成與疆而盡俘其家其妻縊嬰復命于崔子且
御而歸之季則無歸矣乃縊崔明來奔慶封當國

冬十有二月乙亥朔日有食之
丙辰靈王二十有八年是年冬楚康王昭卒
御而歸之季則無歸矣乃縊崔明來奔慶封當國

春無冰
左傳梓慎曰今茲宋鄭其饑平歲在星紀而淫于玄枵以
有時陰不其也蛇乘龍龍宋鄭之星也宋鄭必饑
玄枵虛中也傷耗名也
土虛而民耗不饑何為

春無冰

左傳梓慎曰今茲宋鄭其饑平歲在星紀而淫于玄枵以
有時陰不其也蛇乘龍龍宋鄭之星也宋鄭必饑
玄枵虛中也傷耗名也
土虛而民耗不饑何為

夏衛石惡出奔晉
衛人立其從子圃以守石氏之祀

邾子來朝

秋八月大雩

仲孫羯如晉
孟孝伯如晉告將
為宋之盟故如楚也

冬齊慶封來奔
借徐越伐吳傳責獎
龍朱方事左載于此

左傳齊慶封好田而嗜酒與慶舍政則以其內是遷于盧
蒲嬰氏易內而飲酒數日國遷朝焉使諸亡人得賊
者以告而反之故反盧蒲癸癸臣子之有寵妻之慶舍之
士謂盧蒲癸曰男女辨姓子不辟宗何也曰宗不余辟余
子之慶

周十一月夏之九月斗當建戌而在也

故知再失問歲歲星也星紀在丑斗牛之次玄枵在子虛危之次歲星木為青龍失次出虛危下虛危為立武宿故曰蛇乘龍

舍慶封子內實寶物妻妾也子之慶

獨焉辟之賦詩斷章余取所求焉惡識宗癸言王何而反舍字慶
之二人皆嬖使執寢戎而先後之盧蒲癸王何十攻慶氏與盧蒲
示子之兆曰或十攻仇敢獻其兆子之曰克見血冬十月
慶封田于萊十一月乙亥嘗于太公之廟慶舍泣事盧蒲
癸自後刺子之主何以或擊之解其左肩猶援廟桷動于
莞以組壺投殺人而後死慶封歸遇告亂者丁亥伐西門
弗克還伐北門克之又伐內宮弗克遂來奔獻車于季武
子美澤可以鑑展莊叔見之曰車甚澤人必瘁宜其亡也
既而齊人來讓奔吳吳句餘予之朱方聚其族焉而居之
富于其舊子服惠伯謂叔向曰天殆富淫人慶封又富矣
穆子曰善人富謂之賞淫人富謂之殃天其殃之也其將
聚而殲旃○崔氏之亂喪群公子及慶氏亡皆名之具其
器用而反其邑焉與晏子邸殿其鄙六十弗受子尾曰富
人之所欲也何獨弗欲對曰慶氏之邑足欲故亡吾邑不
足欲也蓋之以此殿乃足欲足欲亡無日矣不受邸殿非
惡富也恐失富也且夫富如布帛之有幅焉為之制度使
無遷也夫民生厚而用利于是乎正德以幅之使無黜媿
謂之幅利利過則為敗吾不敢貪多所謂幅也與北郭佐
邑六十受之與子雅邑辭多受少與子
尾邑受而稍致之公以為忠故有寵

十有一月公如楚見盟宋傳南向而朝楚須臾魯以既列國

楚見伯業之衰

左傳為宋之盟故公及宋公陳侯鄭伯許男如楚公過鄭
鄭伯不在伯有廷勞于黃崖不敬叔孫豹曰伯有必
有大咎敬民之主也而棄之何以承守齊澤之所
行潦之蘋藻寘諸宗室季蘭尸之敬也敬可棄乎

十有二月甲寅天王崩

乙未楚子昭卒

左傳

及漢楚康王卒公欲反叔仲昭伯曰我楚國之為豈
為一人行也子服惠伯曰君子有遠慮小人從邇儀
寒之不恤誰遑其後不如姑歸也榮成伯曰遠圖者忠也
公遂行宋向戌曰我一人之為非為楚也饑寒之不恤誰
能恤楚姑歸而恤民待其
立君而為之備宋公遂反

丁巳景
王元年

二十有九年

楚郊敖麋元年是年夏衛獻公行卒
吳子餘祭弒

春王正月公在楚

左傳

楚人使公親禘公患之穆叔曰被殯而禘則布幣也乃使巫以桃菊先被殯楚人弗禁既而悔之

胡傳

歲之首月公在他國者有矣此獨書公在楚者外為夷狄所制以俟其葬而不得歸內為強臣所逼欲擅其國而不致人故特書所在以存君也按左氏楚人使公親禘夏四月送楚子葬至于西門之外還及方城幸武子取卞以自封使公治告曰聞守卞者將叛臣帥師徒以討既得之矣公曰欲而言叛祇見疏也吾不可以人矣將適諸侯有賦式微者乃歸故特于歲首朝正之時而書曰公在楚使後世臣子戴天履地視君父之危且困者必有天威不違顏咫尺食坐見于羹墻之意而不以頃刻忘也此義一行豈敢有顧其身與妻子與其家而不恤國朋附權臣以圖富貴而背其君者乎

荀蒞列黍穢

指月全在書法上作交歲首朝正正臨臣告廟之時存之者欲臣子思君父所在而免其危困也要發透不慮二字合公在乾侯俱存君

附左

夏四月葬楚康王公及陳侯鄭伯許男送葬至于西門之外諸侯之大夫皆至于墓楚郊即位王子圍為令尹鄭行人子羽曰是謂不韙必代之昌松楸之下其草不殖

夏五月公至自楚

庚午衛侯行卒

閏弒吳子餘祭

附左

鄆子展卒子皮即位於是鄆饑而未及麥民病子皮以子展之命餼國人粟戶一鍾是以得鄆國之民故平氏常掌國政以為上卿宋司城子罕聞之曰鄆于善民之望也宋饑請于平公出公粟以貸使大夫皆貸司城氏貸而不書為大夫之無者貸宋無饑人叔向聞之曰鄆之罕宋之樂其後亡者也二者其苦得國乎民之歸也施而不德樂民加焉其以宋升降乎

六斛四斗日鍾

仲孫貜會晉荀盈齊高止宋華定衛世叔儀鄭公孫段曹人

儀公作齊曹人于公穀

春秋左傳卷之二十三

莒人滕人薛人小邾人城杞

左傳 晉平公杞出也故治杞六月知悼子合諸侯之大夫以城杞鄭于太叔曰晉國不恤宗周之闕而夏肆是并其棄諸姬亦可知也已諸姬是棄其誰歸之吉也聞之棄同即異是謂離德詩云協比其鄰婚姻孔云齊不鄰矣其誰云之

有邾人

姪餘也

胡傳 晉平公杞出也故合諸侯之大夫以城杞古之建國後及妻族此葛藟之詩所為次也晉主夏盟令行中國平公不能脩文襄悼公之業尊獎王室恤宗周之闕而夏肆是屏輕棄諸姬可謂知本乎平王唯不撫其民而遠屯戌于母家周人怨思焉揚之水所以降為國風不得列于雅也城杞之役亦利待財絕而可見矣

城杞

指月輕棄諸姬即在不恤宗周內蓋諸姬乃晉之父族而周則父族之最尊者尊獎下室乃糾合諸姬首事也不可

以王室諸姬分合諸侯之大夫以城杞也
諸姬處晉王夏盟令行中國所以一名而諸侯畢至者正惟文襄悼公尊獎之餘業在耳若事關尊卑也直得勞動了心京少曰據指月所云是輕用諸姬不是輕棄了棄字有秦越相視盤之膜外意細味左傳子太叔云云明說晉當日犯一片精神不用之宗周而用之夏肆則其棄諸姬于膜外又可知矣胡傳全用于太叔語責晉棄字斷指精神意思言非葦為一番勞動也王室諸姬雖不可過分亦須挑剔明白勿混大約晉此舉徒知有付放而不知有父族故一言以蔽之曰不知本

合澶淵宋災故不知本不知務 合高張暗平棄文襄悼公之業景樂太公桓公之業揚水式微

附左 晉悼夫人食與人之城杞者絳縣人或年長矣無子而往與於食有與疑年使之年曰臣小人也不知紀年臣生之歲正月甲子朔四日有四五甲子矣其季于今三之一也吏走問諸朝師曠曰魯叔仲惠伯會郤成子于承筐之歲也是歲也狄伐魯叔莊叔於是乎敗狄于穀獲長狄僑如及虺也豹也而皆以名其子七十二年矣

其未自甲子甲戌至今癸未凡二十日

史趙曰亥有二首六身下二如身是其日數也士文伯曰然則二萬六千六百有六旬也趙孟問其縣大夫則其屬也名之而謝過焉曰武不才任君之大事以晉國之多虞不能由吾子使吾子辱在泥塗久矣武之罪也敢謝不才遂仕之使助為政辭以老與之田使為君復陶以為絳縣師而廢其與尉於是魯使者在晉歸以語諸大夫季武子曰晉未可喻也有趙孟以為大夫有伯瑕以為佐有史趙師曠而谷度焉有叔向女齊以師保其君其朝多君子其庸可喻乎勉事之而後可

晉侯使士鞅來聘

見詐三軍傳

左傳 范獻子來聘并城杞也公享之展莊叔執幣射者二耦公巫名伯仲頃也叔為

一耦鄆鼓父黨叔為一耦

附國謂范獻子聘于魯問其山赦出魯人以其鄉對獻子曰不為其敖乎對曰先君獻武之諱也獻子歸徧戒其所如曰人不可以不學晉適魯而名其二諱為笑焉惟不學也人之有學也猶木之有枝葉也木有枝葉猶鹿麋人而

况君子之學乎

杞子來盟

借杞子卒傳用夷禮故曰子

左傳 晉侯使司馬女叔侯來治杞田弗盡歸也晉悼夫人

叔侯曰虞統無滑霍揚尊魏皆姬也晉是以太若非侵

小將何所取武獻以下兼國多誰能治之杞夏餘也而

即東夷魯周公之後也而蹇于以杞封魯猶可而何有焉魯之于晉也職道不之玩好時公卿大夫相繼于朝

史不絕書府無虛月如是可矣何此瘡魯以肥也且先君而有知也母寧夫人而焉用老臣杞文公來盟書曰子賤也

吳子使札來聘

左傳 吳公子札來聘見叔孫穆子說之謂穆子曰子其不得死乎好善而不能擇人吾聞君子務在擇人吾子

為魯宗卿而任其大政不愼舉何以堪之禍必及子請觀于周樂使工為之歌周南召南曰美哉始基之矣猶未也

然勤而不怨矣。為之歌。邯鄲衛曰：美哉淵乎，憂而不困者也。吾聞衛康叔武公之德如是，是其衛風乎？為之歌。玉曰：美哉思而不懼，其周之東乎？為之歌。鄭曰：美哉其細已甚，民弗堪也。是其先亡乎？為之歌。齊曰：美哉決決乎，大風也。哉。表東海者，其太公乎？國未可量也。為之歌。幽曰：美哉蕩乎，樂而不淫。其周公之東乎？為之歌。秦曰：此之謂夏聲夫，能夏則夫大之至也。其周之舊乎？為之歌。魏曰：美哉風風乎，大而婉，險而易行，以德輔此，則明也。為之歌。唐曰：思深哉，其有陶唐氏之遺民乎？不然，何憂之遠也？非令德之後，誰能若是？為之歌。陳曰：國無主，其能久乎？自郢以下，無譏焉。為之歌。小雅曰：美哉思而不貳，怨而不言，其周德之衰乎？猶有先王之遺民焉。為之歌。大雅曰：廣哉熙熙乎，曲而有直體，其文王之德乎？為之歌。頌曰：至矣哉，直而不倨，曲而不屈，迺而不偪，遠而不播，遷而不淫，復而不厭，哀而不愁，樂而不荒，用而不驕，廣而不宣，施而不費，取而不貪，處而不底，行而不流，五聲和八風，平節存度，守有宗，盛德之所同也。見舞象箭南籥者，曰：美哉，猶有憾。見舞大武者，曰：美哉，周之盛也。其若此乎？見舞韶護者，曰：聖人之弘也，而猶有慙德，聖人之難也。見舞大夏者，曰：美哉，勤而不德，非禹其誰能脩？見舞韶箭者，曰：德至矣哉，大矣，如天之

灑風中平之聲險當作儉

入音克諧節有度也無相奪倫守有序也節音

無不憍也。如地之無不載，世雖甚盛，德其殘以加于此矣。觀止矣。若有他樂，吾不敢請已。其出聘也，通嗣君也。故遂聘于齊，說晏平仲請之曰：子速納邑與政，無邑與政，乃免于難。齊國之政將有所歸，未獲所歸，雖未歌也。故晏子因陳桓子以納政與邑，是以免于樂高之難。聘于鄭，見子產如舊，相識與之編帶，子產獻紵衣焉。謂子產曰：鄭之執政，侈難將至矣。政必及子，子為政慎之，以禮。不然，鄭國將除道，衛說遠，環史狗史鮪，公子荆，公叔發，公子朝，白，衛多君，子未有患也。自衛如晉，將宿于戚，聞鐘磬焉，曰：與哉，吾聞之也。辨而不德，必加于戮。夫子獲罪，于君，以此懼，猶不足而又有樂，夫子之在此也，猶燕之樂，小幕上君又在，而可以樂乎？遂去之。文子聞之，終身不聽琴瑟。適晉說趙文子，韓宣子，魏獻子，皆晉國其萃于三族也。說叔向將行，謂叔向曰：吾子勉之，君侈而多良，大夫皆富，政將在家，吾子好直必也。自免于難。

辨猶爭也

公羊：吳無君，無大夫，此何以有君？有大夫，賢季子也。何賢于季子？讓國也。其讓國奈何？讓也。餘祭也。夷昧也。與季子同母者四，季子弱而才，兄弟皆愛之，同欲立之，以為君。詩曰：今若是以，進而與季子國，季子猶不受也。請無與子而與

弟弟兄送為君而致國乎季子片曰諸故諸為君者皆輕
死為勇飲食必禮曰夫苟有吳國何速存悔于予身故謂
也死餘祭也立餘祭也死夷昧也亦夷昧也死則國宜之
季子者也季子使而亡焉僚者長庶也即之季子使而反
至而君之謂闔廬曰先君之所以不與子國而與弟者凡
為季子故也將從先君之命與則國宜之季子者也如不
從先君之命與則我宜立者也僚惡得為君乎於是使專
諸刺僚而致國乎季子季子不受曰爾弑吾君吾受爾國
是吾與爾為篡也爾弑吾兄吾又殺爾是父子兄弟相殺
終身無已也去之延陵終身不入吳國
故君子以其不受為義以其不殺為仁

胡傳札者吳之公子何以不稱公子貶也辭國而生亂者
有子四人長曰諸樊次曰餘祭次曰夷昧札其季子也壽
夢賢季札欲立以為嗣札儲不可然後立諸樊諸樊既除
喪則致國于季子季子又辭而去之諸樊乃舍其子而立
弟約以次傳必及季子故諸樊卒而餘祭立餘祭卒而立
昧立夷昧卒則季子宜受命以安社稷成父兄之志矣方
狗匹夫之介節辭位以逃夷昧之子僚僚既立諸樊之子
光曰先君所以不與子國而與弟者凡為季子爾將從先

君之命歟則季子宜有國也如不從先君之命則我宜立
僚烏得為君於是使專諸刺僚而致國乎季子季子不受
去之延陵終身不入吳國故曰季子辭國以生亂因其來
聘而貶之示法焉或謂先聖賢夷齊惡衛軻季子辭位獨
不為賢而奚貶乎曰叔齊之德不越伯夷孤竹舍長而立
勿私意也諸樊兄弟父子無及季札之賢者其父兄所為
春春而欲立札公心也以其私意故夷齊讓國為得仁而
先聖之所賢以其公心故季子辭位為生亂而春秋之所
貶苟比而同之過矣或曰世衰道微暴行交作庶篡其君
者有之子篡其父者有之季子於是焉而辭位則將使聞
其風者貪夫廉爭夫讓而篡弑奪攘之禍損矣其于名教
豈不有補何貶之深也曰春秋達節而不守者也昔太伯
奔吳而不反季歷嗣位而不辭武王繼統受命作周亦不
以配天之業讓伯邑考官天下也彼王僚無季歷之賢武
王之聖而季子為泰伯之讓豈至德乎使爭弑禍興覆師
喪國其誰階之也若季子之辭位守節立各全身自牧則
可矣概諸聖王之道則過矣中庸曰道之不明不行也我
知之矣季子所謂賢且智過而不得其中者也使由于季
歷武王之義其肯附于臧之節而不受乎惜其擇乎中庸
失時措之宜爾此仲尼所以因其辭國生亂而貶之也或

日吳子使札與楚子使椒秦伯使術一例爾吳楚蠻夷之
國秦介戎狄之間其禮未周十中夏故使人之來皆畧之
而札何以獨為貶乎曰春秋多變例聖筆有特書荆楚無
大夫而屈先書族王朝下士以人通而子矣書字諸侯公
子以名著而季友者子母弟之無列者不登其姓名而叔
胙書氏皆賢而特書者也季札讓國天下賢之若仲尼亦
賢季札必依此例或以字或以氏或以公子特書之矣今
乃畧以名繼比于楚椒秦術之流無異稱焉是知仲尼不
以讓國為賢而貶之也噫世之君子盛稱季札之賢于讓
國之際以為禮之大節不可亂也公子喜時春秋猶賢其
後世于季札則向獨取之深也曰仲尼于季子望之深矣
賈之備矣惟與天地同德而達于時中然後能與于此非
聖人莫能脩
之豈不信夫

○札聘

指月傳首數句是肩按吳子一段敘季子辭國生亂之實
或謂子貢一假重看是源父兄公心際他富受或曰世衰
道微一段尤重此是正意季虛不讓或曰王不讓乃王中
庸之道惟以此望之深故責之備也或曰吳子使札一假

辨常詞之為貶世之君子至末文以賢子藏之法止論以
明望深責備之意須知壽夢將立札時諸樊兄弟不為泰
伯之逃則札自無受國之理及光絨僚而致國則又有與
開之嫌其去之延陵云云亦是兩番皆季子賢處其不受
以致亂處全在夷昧既卒一辭上故傳獨斷此時以為宜
受命以安社稷成父兄之志又曰王僚無季歷之賢云云
父兄之心血是謂札可以與治于吳聖人把節季歷武玉
望他亦不是小可觀傳曰使爭弒禍與覆師喪國爭弒禍
與是指弒僚事使札受了國固無此事矣覆師喪國是光
立以後事使札受了國亦無此事矣如但指弒僚為亂則
札受國僅足以免光僚之爭亦未見他賢處聖人何為而
過望之哉豈對美詞看以札之賢而待之只如常人便
是貶非去其公子以立貶文也畢竟讓國事亦好在札
身上還該幹上一等事耳作文須有抑揚方見得貴望不
可直頭貶倒○同人曰此傳反覆數百言斷詞不過一句
耳季子所謂賢且智過而不得其中者也只此句是斷詞
前後辨詰俱寫狀其過不得中處姚現聞先生云作文須
將季札地位着實說高便貶到極處是以犬聖人期望
他不可竟貶倒了數語最妙又云不肯體認父兄之情非
拘學之極乎此却可商纔說拘學便是不及非賢智之過

矣蓋季子處世衰道微暴行交作故欲以辭位守節矯世之篡竊奪攘而風厲變化之雖處極可受與極不可受之時而蕭然不顧也此正賢智之過處惜其失時措之宜要發透須知時中地位甚難傳未與天地同德雖指聖人脩經亦見季子生平學問虧欠此一層也與斷詞正相應

札聘 黃父 無異稱 失時措之宜 望以中

合制 俱責備賢者 春秋達節而不守 春秋以天自處 合曼姑圍厥二邊俱用夷齊 待以正

秋七月葬衛獻公

齊高止出奔北燕左齊公孫董公孫竈放其大夫高止于北燕書曰出奔齊高止也高止好以事自為

功且專故難及之

冬仲孫羯如晉左孟孝伯如晉報范叔也

戊午景王二十二年 衛襄公惡元年吳夷昧元年見年夏蔡景

春王正月楚子使薳罷來聘左通副君也大全余氏報朝也罷公作

晉文所以行于列國者楚行節王之禮于中國非晉平趙武之責而何

夏四月蔡世子般弒其君固左蔡景侯為太子般娶于楚通馮太子弒景侯

五月甲午宋災宋伯姬卒

左傳或斗于宋太廟日譖譖出此鳥鳴于亳社如日譖譖甲午宋大災宋伯姬卒待姆也君子謂宋共姬女而不婦女待人

婦義事也

天王殺其弟倭夫

王子瑕奔晉

秋七月叔弓如宋葬宋共姬

鄭良霄出奔許自許入于鄭鄭人殺良霄

伯姬上公穀無宋字

公作年夫

共姬上公穀無宋字

左傳 鄭伯有嗜酒為窟室而夜飲酒擊鐘焉朝至未已朝鄭伯有朝既而朝則又將使子皙如楚歸而飲酒庚子子皙以駟氏有家臣之甲伐而焚之伯有奔雍梁醒而後知之遂奔許之已鄭伯有朝伯及其大夫盟于太宮盟國人于師之梁之外伯有聞鄭鄭君也人之盟已也怒聞子皮之甲不與攻已也喜曰子皮與我鄭君也矣矣其晨自墓門之濱入以伐舊北門駟帶帥國人以伐鄭君也之皆名子產子產曰兄弟而及此吾從天所與伯有死于鄭君也羊肆子產從之枕之股而哭之歛而殯諸伯有之臣在市鄭君也則者既而葬諸斗城子駟氏欲攻子產子皮怒之曰禮國鄭君也之幹也殺有禮鄭君也禍莫大焉乃止鄭君也

胡傳 不言復人者其位未絕也若宋魚石晉欒盈去國三鄭君也年其稱復入位已絕矣不言叛者將以滅國非直叛鄭君也也若華亥之人南里宋辰之入蕭其書叛者皆據土背君鄭君也以自保未有滅國之謀也不言殺其大夫者非其大夫矣鄭君也討賊之鄭君也詞也鄭君也

冬十月葬齊景公

晉人齊人宋人衛人鄭人曹人莒人邾人滕人杞人小邾人會于澶淵宋災故

胡傳 二百四十二年之間列會亦衆而未嘗言其所為者鄭君也人者也智者無不知當務之為惡世子弒君天下之大變鄭君也人理所不容也則會其葬而不討宋國有災小事也則合鄭君也十二國之大夫更求之所喪而歸其財則可謂知務乎陳鄭君也恒弒簡公孔子沐浴而朝告於哀公請討之曰以吾從大鄭君也夫之後不敢不告也叔孫豹晉趙武而下皆諸侯上卿魏鄭君也國之政者也三綱國政之本至于淪絕無父無君是禽獸鄭君也也禽獸偏人雖得天下弗能一朝處矣昔者伯禹過門而鄭君也不入放龍蛇也周公坐而俟旦驅猛獸也今世子弒君三鄭君也綱淪絕禽獸偏人則與之同群而不恤有國者不戒于火鄭君也自亡其財苟其來告弔之可也則合十二國之大夫駢于鄭君也澶淵而謀更其所喪尚為知類也乎以為未之祭也可謂鄭君也不智苟察此而不謀則亦不仁矣是故諸國之大夫貶而鄭君也稱人魯卿諱而不書文特言會之所為以垂戒後世其欲鄭君也人之自別于禽獸之害也可謂深切著明矣或曰夫穆叔鄭君也

趙孟向戍子皮皆諸侯之良也而所謀若是何也世衰道微邪說交作以利害謀國家而不知本于仁義也久矣是以至此極孔子所為懼春秋所以作乎
旨定通是論大夫之不智以其舍大而謀小也後不仁帶說猶云苟察此而不謀是無人心的決是未之察評或曰以下推本所以不智之故當重看是以至此極句有可恨可歎意德仲曰玩則與則合口氣不是責他不宜謀宋災直是重責他不能討蔡鮑即此形像以深惡其不知類也
合會申縱惡崇惡俱有諸侯之良云云

附左 子皮授子產政辭曰國小而偏族大寵多不可為能事大國乃寬子產為政使都鄙有章上下有服田有封洫廬井有伍大人之忠信者從而與之泰侈者因而斃之從政一年與人誦之曰取我衣冠而褚之取我田疇而伍之孰殺子產吾其與之及三年又誦之曰吾有子弟子產誨之吾有田疇子產殖之吾有產而死誰其嗣之

褚音也
泰侈者
長法故
謂五家

己未景
三十有一年
公般元年

相保

春王正月

夏六月辛巳公薨于楚宮

秋九月癸巳子野卒

左傳 立胡女敬歸之子子野次于季氏秋九月癸巳卒也立敬歸之姊齊歸之子公子蒍穆叔不欲曰天子死有母弟則立之無則立長年鈞擇賢義鈞則上古之道也非適嗣何必姊之子且是人也居喪而不哀在感而有嘉容是謂不度不度之人鮮不為患若果立之必為季氏憂武子不聽卒立之北及葬三易衰衰祔如故衰於是昭公十九年矣猶有童心君子是以知其不能終也

祔衰下也

己亥仲孫羯卒

冬十月滕子來會葬

癸酉葬我君襄公

附左 公薨之月子產相鄭伯以如晉晉侯以我喪故未之

見也子產使盡壞其館之垣而納車馬焉士文伯讓之曰敝邑以政刑之不脩寇盜充斥無若諸侯之屬辱在寡君者何是以令吏人完客所館高其閤厚其牆垣以無憂客使今吾子壞之雖從者能戒其若異客何以敝邑之為盟主善完葺牆以待賓客若皆毀之其何以其命寡君使弔請命對曰以敝邑褊小介于大國誅求無時是以不敢寧居悉索敝賦以來會時事逢執事之不閉而未得見又不獲聞命未知見時不敢輸幣亦不敢暴露其輸之則君之府實也非薦陳之不敢輸也其暴露之則恐燥濕之不特而朽蠹以重敝邑之罪僑聞文公之為盟主也宮室卑庠無觀臺榭以崇大節侯之館館如公寢庫庫繕繕司寇以時平易道路坊人以時填館官室請侯賓至何故庭燎僕人巡宮車馬有所賓從有代中車指轄隸人牧豎各瞻其事百官之屬各展其物公不留賓而亦無廢事憂樂同之事則巡之教其不知而恤其不足賞至如歸無室苗患不畏寇盜而亦不患燥濕冷銅鞮之宮數里而諸侯舍于隸人門不容車而不可踰越盜賊公行而天禍不戒

庫青輝
與也
人塗
者坊音
烏實莫
中車主
車之官

實見無時命不可知若又勿壞是無所藏幣以重罪也請執事將何所命之雖君之有魯喪亦敝邑之憂也君獲鷹幣條垣而行君之惠也敢憚勤勞文伯復命趙文子曰信我實不德而以隸人之垣以贏諸侯是吾罪也使士文伯謝不敏焉晉侯見鄭伯有加禮厚其宴好而歸之乃築諸侯之館叔向曰辭之不可以已也如是夫子產有辭諸侯頽之若之何其釋辭也

十一月莒人弒其君密州

左傳 莒犁比公生去疾及展與既立展與又廢之犁比公

去疾
奔齊

附左 十二月北宮文子相衛襄公以如楚宋之盟故也過


與子太叔逆容事畢而出言于衛侯曰鄭有禮其數世之福也其無大國之討乎子產之從政也擇能而使之馮簡子能斷大事子太叔美秀而文公孫揮能知四國之為而辨于其大夫之族姓班位貴賤能否而又善為辭令神謀

美秀貌
美才秀


能謀謀于野則獲謀于邑則否鄭國將有誰侯之事子產
乃問四國之爲于子羽且使多爲辭令與裨諶乘以適野
使謀可否而告馮簡子使斷之事成乃授子太叔使之
以應對賓客是以鮮有敗事北宮文子所謂有禮也○鄭
人游于鄉校以論執政然明謂子產曰毀鄉校如何子產
曰何爲夫人朝夕退而游焉以議執政之善否其所善者
吾則行之其所惡者吾則改之是吾師也若之何毀之吾
聞忠善以損怨不聞作威以防怨豈不遽止然猶防川大
決所犯傷人必多吾不克救也不如小決使道不如吾聞
而藥之也仲尼聞是語也曰以是觀之人謂子產不仁吾
不信也○子皮欲使尹何爲邑子產曰少未知可否子皮
曰愿吾愛之不吾叛也使夫往而學焉夫亦愈知治矣子
產曰不可人之愛人求利之也今吾子愛人則以政猶未
能操刀而使割也其傷實多子之愛人傷之而臣其誰敢
求愛于子于於鄭國棟也棟折榑崩榑將厥焉敢不盡言
子存美錦不使人學製焉大官大邑身之所庇也而使學
者製焉其爲美錦不亦多乎僑聞學而後入政未聞以政
學者也若果行此必有所害譬如田獵射御員則能獲禽
若未嘗登車射御則敗績厭覆是懼何暇思獲子皮曰善
哉虎不食吾聞君子務知大者遠者小人務知小者遺者

道音導
通也藥
之以爲
世藥石
厭音壓
貫慣同

我小人也衣服附在吾身我知而慎之大官大邑所以庇
身也我遠而慢之微子之言我不知也他日我曰子爲鄭
國我爲吾家以庇焉其可也今而後知不足自今請雖吾
家聽子而行子產曰人心之不同如其面焉吾豈敢謂子
面如吾面乎裨心所謂危亦以告也子皮
以爲忠故委政焉子產是以能爲鄭國



文化已見 天教閣鑄



Vertical Japanese text, likely bleed-through from the reverse side of the page. The characters are faint and difficult to read precisely, but appear to be arranged in a single column.



